

文館詞林  
二







叢書集成

初編

主編者  
王雲五

商務印書館發行

編主五雲王

編初成集書叢

林 詞 館 文  
冊 二

中華民國二十五年十二月初版

撰 者 許 敬 宗 等

發 行 人 王 雲 五  
上海河南路

印 刷 所 商 務 印 書 館  
上海河南路

發 行 所 商 務 印 書 館  
上海及各埠

文館詞林卷第六百六十二 詔卅二 征伐上

中書令太子賓客監修國史弘文館學士上

柱國高陽郡開國公臣許敬宗等奉 勅撰

太宗文皇帝伐遼手詔一首

漢武帝欲伐匈奴詔一首

答淮南王諫伐越詔一首

魏文帝論伐吳詔二首

魏常道鄉公伐蜀詔一首

西晉武帝伐吳詔一首

答杜預征吳節度詔一首

東晉明帝非討詔一首

東晉成帝非討詔一首

東晉安帝征劉毅詔一首

後魏孝文帝戒師詔一首

出師詔一首

後魏節閔帝伐爾朱文暢等詔一首

後魏孝靜帝伐元神和等詔一首

宋順帝西討詔一首

南齊明帝非伐篡廢詔一首

梁武帝非伐詔一首

又北伐詔一首

北齊文宣帝征長安詔一首

西伐詔一首

後周武帝伐北齊詔二首

太宗文皇帝伐遼手詔一首

門下行師用兵古之常道取亂侮亡先哲所貴高麗  
莫離支蓋蕪文弒逆其主酷害其臣竊據邊隅肆其  
蜂蠆朕以君臣之義情何可忍若不誅翦遐殲無以  
懲肅中華今故欲巡幸幽荆問罪遼碣行止之宜務  
存節儉所過營頓無勞精飾食唯充飢不須珍膳水  
可波渡者無假造橋道路通行者不用脩理御營非  
近州縣學生老人等無煩迎謁恐致勞擾弊於往來  
昔隋室淪亡其源可觀良由智略乖於遠圖兵士疲  
於屢戰政令失度上下離心德澤不加於匹夫刻薄  
彌窮於萬姓當此時也高麗之主仁愛其□仰之如  
父母煬帝殘暴其衆故衆視之如仇讎以思亂之軍  
擊樂安之卒務其功也不亦難乎何入水而惡其濡  
踐雪而求無跡朕願懷前載無躬內省昔受鉞專征  
提戈撥亂師有經年之舉食無盈月之儲軍之餘資  
朝不供夕至於賞罰之信尚非自決於心然猶所向

風靡前無橫陳蕩氛霧於五岳翦釘復於九野定海  
內拯蒼生使萎霜之草復合翠色將朽之骨重反豐  
肌然則行軍用兵之事皆億兆之所親見豈虛言哉  
及至端拱嚴廊定策惟度身處九重之內謀決萬里  
之外非矜匈奴種落有若摧枯西滅吐谷渾高昌易  
於拾芥苞絕漠而爲苑跨流沙以爲池黃帝不服之  
□唐堯不臣之域竝皆委質奉貢歸風順軌然則崇  
威啓化之道此亦天下所共聞也況今豐稔多年家  
給人足餘糧廩積粟紅倉雖足以爲兵儲猶恐勞  
於轉運故多驅牛羊以充軍食人無裹糧之費衆有  
隨身之稟如斯之事豈不優於曩日加以躬先七萃  
親決六奇使攻無所守戰無所拒略言其數必勝之  
道蓋有五焉一日以我大而擊其小二日以我順而  
討其逆三日以我治而乘其亂四日以我逸而敵其  
勞五日以我悅而當其怨何憂不剋何慮不摧可使  
布告元元勿爲疑懼耳

漢武帝欲伐匈奴詔一首

制詔朕飾子女以配單于金幣文繡賂之甚厚單于  
待命加勞侵盜無已邊境被害朕甚閔之今欲舉兵  
攻之何如

答淮南王安諫伐越詔一首

皇帝問淮南王使中大夫王上書言事聞之朕奉先  
帝之休德夙興夜寐明不能燭重以不德是以比年  
凶災害衆夫以眇眇之身託于三侯之上內有飢寒  
之人南夷相據使邊騷然不安朕甚懼焉今王深惟  
重慮明太平以弼朕失稱三代至盛親天接地人連  
所及咸盡賓服藐然甚慙嘉王之意靡有所終使中  
大夫助論朕意告王越事

魏文帝論伐吳詔二首

制詔昔軒轅不爲涿鹿之師則蚩尤之妖不滅唐堯  
不興丹水之陳則南蠻之難不平漢武不行呂嘉之  
罰則橫浦之表不附光武不加置述之誅則隴蜀之  
亂不清故曰非威不服非兵不定孫權小醜憑江悖  
暴因有外心凶頑有性故奮武銳順天行誅馳騁龍  
驤猛將武步武脩勾踐潛波之□頑或圖韓信夏□  
之誑愚接舡以水攻陳六軍以陸橫擊征南進運以  
圍江陵多獲舟舡斬首執俘降者盈路牛酒日至大  
司馬及征東諸將卷甲長驅其舟隊今已何濟今車  
駕自東爲之瞻鎮雲行天步乘雲而運賊進退道迫  
首尾有難不爲楚靈乾溪之潰將有彭寵蕭□之變

必自魚爛不復血刃宜慎終節動靜以聞

制詔管軒轅建四面之號周武稱予有亂十人斯蓋先聖所以體國若人亮成天工多賢爲貴也今內有公卿以鎮京師外設牧伯以監四方至於元戎出征則軍中宜有柱石之賢師輜重所在又宜有鎮守之重臣然後車駕可以周行天下無內外之慮吾今當征賊欲守之積年其以尚書令穎鄉侯陳羣爲鎮軍大將軍尚書僕射西鄉侯司馬懿爲撫軍大將軍若吾臨江授諸將方略則撫軍當留許昌督後諸軍錄後臺文書事鎮軍隨車駕當董督行尚書事皆假節鼓吹給中軍兵騎六百人吾欲去江數里築宮室往來其中見賊可擊之形使出奇擊之若或未可則當紆六軍以遊獵饗賜軍士

魏常道鄉公伐蜀詔一首

制詔蜀叢爾小國土狹人寡而姜維虐用其衆曾無廢志往歲破敗之後猶復耕種沓中刻剝衆羌勞役無已人不堪命夫兼弱攻昧武之善經致人而不致於人兵家之上略蜀所恃賴唯維而已因其遠離巢窟用力爲易今使征西將軍劉艾督率諸軍趁甘松沓中以羅取維雍州刺史諸葛緒督軍趁武街高樓

首尾取討若禽維便當東西並進掃滅巴蜀也  
西晉武帝伐吳詔一首

制詔兵興以來八十餘年戎車出征罔有寧歲死亡流離傷害和氣朕每惻然悼心思嚴兵靜役與人休息故罷習業廣分休假大遺扶老養孤及女朝夕相對而吳賊失信比犯王畧胡虜校動寇害邊垂人兵飲少不足禽制輒當前休中土以相應赴將士疲悴而猶不及事欲以爲靜而更爲勞昔淮夷不賓成王東伐檢狃作難戎車夏征自古及今咸皆勤戎遠戍先勞後逸未有得脩無爲於有事之時也自宣皇帝以來每以吳蜀爲憂邊事爲念今孫皓犯境夷虜擾邊此乃祖考之遺慮朕身之大耻也故繕甲脩兵大典戎政內外勞心上下効力以南夷勾吳非威戎狄然乃得休牛放馬與天下共饗無爲之福耳今調諸士家有二丁三丁取一人四丁取二人六丁以上三人限年十七以上至五十以還先取有妻息者其武勇散將家亦取如此比隨才畧武勇揀史樂市馬爲騎者畧都尉司馬中間以來內外解弛吏窳盡忠之心將無致命之節朕方靜人用未加罪戮今當大脩戎政以混壹六合賞功罰情明罰整法其宜勅中外

羣官使各悉心畢力明爲身計主者以時施行條品  
西晉武帝答杜預征吳節度詔一首

制詔夫悅以犯難人忘其死此用兵之本若乃臨戎  
致果則必莅之以牲斷之以威故商令主告普其衆  
用命賞於祖不用命戮于社昔魏降穰直列國陪臣  
苟有犯其政令者雖親如揚干莊賈皆戮之不疑用  
能尊主立勳垂聲載籍今廣命羣帥凌江致討將以  
靜齊南裔綏寧四海蓋鷹揚睥闕之士成功之一會  
也可不勗哉懸旌萬里當令首尾協同此旣然矣且  
元帥所統或本不相督威令教禁素不服習若各任  
所見不相順從必顛越不振以疚大事兵凶戰危呼  
歛成變可不慎耶斯乃三軍之命國之安危苟有乖  
遺以致負敗雖賈領之罰必加鈇鉞之誅必用固無  
及矣是故投之死地而後生蓋知亡必存也人故殺  
人而萬夫齊勇蓋自古之政也方岳元帥推轂所委  
若需儒縵法志在公之義上愆國命下墜徒衆雖悔  
身何及凡所督敢距違節度便以軍令從事書稱宣  
力汝爲又曰尙桓桓如武如驅如熊如羆軍司將軍  
其各勉之申勒羣帥以下使知此命

東晉明帝非討詔一首

制詔昔魏終撫和諸戎邛都魏尙威攝匈奴故封疆  
之任在於得才漢文所以思廉頗李牧也單于慕容  
魂不遠萬里請吏率職禮讓忠義著之遐朔欲勦力  
國難剪滅長蛇宜得名胄英才以董統之傳一時齊  
舉致討寇庭此聲實並振雖越在海外外其狀若身手  
矣尙書廣陵公矜弘量淹濟議謀經通文武著於勳  
績忠誠每思立事可委以重任使朕無北顧之憂者  
也其以矜持節督幽平并州諸軍事領護東夷校尉  
鎮東將軍平州刺史公如故王者假授諸所應供給  
及信風引道

東晉成帝非討詔一首

制詔戎夷猾夏神州傾覆二帝辭官幽沒虜庭永言  
厥艱夙夜愴憤自聞江表屢有事故剋平內難始漸  
夷秦征伐事大役不再舉是以廟筭待期畜力觀釁  
今羯寇衰弊王略彌振時至理盡天人玄應大將軍  
涼州刺史西平公駿忠勳三代義誠壯烈總帥秦涼  
爲國宣力今遣健步剋同征舉宜令影響相應萬里  
齊契其先普告遠近征鎮牧守諸軍竝令誠嚴須使  
還進討蕩滌區宇以雪國耻其忠臣義士徇功効命  
必加殊賞以旌勳節



東晉安帝征劉毅詔一首

朱傅亮

制詔劉毅傲俱凶戾履霜已久中間覆敗宜卽顯戮  
晉法舍弘復蒙寵授曾不思愆內訟怨望滋甚賴宰  
輔藏疾特加遵養遂復推轂陝西庶能感華心而長  
惡不悛志爲奸宄陵上虐下縱逸無度旣解督任江  
州非復所統撥從兵衆畧取租運駸斥舊戎厚樹親  
黨西府二局文武盈萬悉皆割留曾無片言肆情恣  
愆罔顧天明又與從弟蕃遠相景響招聚剽殺繕甲  
脩兵外託省疾實規伺隙同惡相濟圖會荆郢尚書  
左僕射謝混憑藉□資起蒙殊遇而佻躁銳職爲亂  
階扇動外日連謀萬理是而可思孰不可懷已詔太  
尉隨宜剪戮諸所處分一委公高第

後魏孝文帝戒師詔一首

門下夫出征有嘉故正邦之象典焉王赫斯怒蓋萬  
周之祐明矣夫然則蚩尤之戰不亦宜乎變伐之功  
豈非茂歟是以乾儀雖眇景曜莫殊坤壤雖廓皇輝  
罔二符尉他借越終屈漢命孫皓踣吳竟歸晉師斯  
乃天地之常運人理之恒數耶今蕭氏篡竊江會未  
賓王化士有二王之嫌物無一同之慶人神所以憤  
悅於幽顯靈祇所以咨嗟於昏明彼旣得非用順又

守不以仁逆君之罪未忘於南裳虐吓之政已形於  
非京難遇之檢於茲莫再矣朕承考列累聖之隆構  
猥屬後仁必伐之嘉選仰稟先后慈聖之誨俯賴侯  
辟匡弼之誠四海熙寧八表邕泰謨明聘智之臣競  
思於廟堂爪牙折衝之將揮袂於陛闈玉燭休和土  
卒殷溢此而不舉熟復可也是故夙夜慨慮食寐靡  
輟將欲仰順天心俯拯吓物布德宣風躬接江漢窮  
僞勃於荆揚蕩不臣於岷越混茲文軌載昌皇業上  
答祖宗傳授之意下副黔兆傾戴之心然與師勳戎  
必須豫策振威舉旆定待備伏可勅尙書八坐與三  
公詳議軍資邊實之宜介冒戈稍之用皆令脩備使  
有征無戰臨事果稱不亦善乎

後魏孝文帝出師詔一首

門下蕭鸞悖道及德唱逆滔天往赫順動鼓鍾彰罰  
僞朝將相請虔聘貢南冠東琛許在旬日朕以大道  
崇寬海量無細愆彼蒼生徒羅厥擾故開天墜鼎盪  
地容瑕歸風之際聽其祇遣而禍迷狂心天弃虐政  
不知事大以衛社稷旋生微詭反以我讎頓辱王人  
前主之使怒甲及乙妄生鋒卒鬱飯臭魚以弊行李  
食言爽信逆絕踐好內離九族之親外杜強鄰之接

表裏俱失不亡何待所謂我直彼曲人神同憤者也  
將龔行天伐誓殄逋篡然討國混化功爲至遠不可  
曰一舉指期吳員有言三師以肆楚必道弊誠哉茲  
談可不驗歟今歲便勃豫郢東荆東豫東郢南充南  
徐東徐等嚴兵勦衆南入揚威迎降納附廣張聲略  
果有機也遂爲龍驤之捷如未可焉且爲示德之師  
皆仰刺史躬率戎首若致稽疑軍法從事一二亦有  
別勅耳又詔徐充光南青荆洛纂備戎事應召必赴  
臨命淹關國有常刑

後魏節閔帝伐爾朱文暢等詔一首

魏收

門下有國有家必以賞罰爲本或王或霸莫不崇明  
軌律眇自前古下至於今又亂之來咸由此道自永  
安失馭天下橫流爾朱宗屬分割海內不臣著於遠  
近社稷傾於旦夕蒼生荼苦冠帶寒心大丞相渤海  
王忠義通神靈武冠代大惟宗祏之重深愍黎庶之  
愆定策啓行被堅執銳摧羣醜於鄴南東凶鬼於洛  
下惡黨梟懸人神明目故天柱大將軍榮所有諸子  
實惟逆徒論之典刑義不蠲免尸□腰斬孰曰非宜  
相王顧敦仁厚之風深存契闊之義朝政乃屈法申  
恩時主則成人之美全其門戶赦其骸骨血祀獲保

家業不墜學鍾鼎食家成市里毋則尊稱長主望傾  
戚屬二子爵窮十等位居八命荷國家山岳之惠受  
相王子弟之恩竊鑿其心罕知盈足朝市憚其威福  
州郡拘其託請傷風害政布於人言永不悛改終無  
畏自卵成翼從裁及拱持此童昏早濫王爵誠是  
國朝後迫往効莫非相王覆育之厚且託陰不折其  
枝過食不毀其器豈有受人令濟之貸託人姻媾之  
親而招此怨愚搆茲奸逆潛署位號身爲魁藪趙越  
侏張圖成反噬此而可忍孰不可懷朕以寡德君臨  
萬寓今者南越江湖北窮沙漠東踰遼海西極關河  
內安外穆華戎謐爾豈朕寡德所能獨致定賴相王  
父子左右皇家經綸夷嶮扶持國命四海百靈所共  
依仰文暢昆季狂勃如斯既不利王且將危朕今不  
翦蕩後難方深永言念之震驚夢寐夫管蔡流言周  
誅肆於前祀上官挺禍漢罰窮於昔年雖親在骨肉  
地居戚里未聞縱其腰領全其苗裔若使在恩忘義  
存惠捨威則邦國淪覆翹足可待且國有正刑朝有  
常制君親無將事光先典捨而不行何以爲化宜肅  
舉刑書示於億兆文暢兄弟宜依律坐可令驃騎大  
將軍開府儀同三司尚書右僕射安德郡開國公祖

齊速往行決母及妻子一依恒■其房子遠鄭仲禮  
李代林等頌書小醜謀此亂階身既伏辜家有常例  
但侍中房讓執心端固操履清白出內在公績著朝  
野善人斯宥抑有舊聞仲禮本自傍學晚見收舉身  
不列於伯季迹未入於家門一居晉陽內同行路代  
林生而外後事絕本親罪不相及義實有取相王弃  
瑕錄用志存含育既有啟聞事如高旨其此三家依  
啓原慈並免其官誦罪私室自餘秉鏡皆從律條文  
暢已下同逆之類義士弃其美萊資財豈汗王府所  
有家產悉賞軍人一任相王斟酌分給漆頭焚首歷  
代共之洵官醜骨蓋唯通准天之所弃人其舍諸

魏收

後魏孝靜帝伐元神和等詔一首  
門下向背有禍福之機誅賞爲威勸之本軌物成務  
威必由之侯景擢自凡猥名行無聞倂倂時來謬見  
收試狡猾及覆唯利是從往事爾朱偏受榮遇一朝  
去就同顧昔恩越趨輕動志在姦詐朝廷弃瑕藏穢  
仍蒙令引庶其鳴音可華取其行間之用位踰其量  
過延寵祿藉我風雲遂成鱗羽人列鼎臣出裁節將  
勲豈可紀才不足徵而淺器遽盈知小謀大謂已功  
名難居物下曾不知狐假武威地憑霧積苞藏禍心

潛圖不軌因總戎之際乘專任之機擁逼兵衆構覺  
南服此乃懦夫扼腕之日義士切齒之秋凡在人倫  
孰不惜儼而前揚州刺史元神和何悅張慶壽王黑  
醜官延和王貴顯侯仙劉崇信張業等九人竝以賤  
獲名汗朝簡了無犬馬之識便有梟獍之心密相影  
響贊成姦逆隨託豺狼長技地虺欣其位署委質馳  
驅甘厥鈞餌効以死力東西殘掠毒被村鳩扇合蛾  
蟻終此亂階叛恩背德莫此之甚雖蹈名義事非小  
人而申禁垂法國有恒典其此九家竝可從憲孛戮  
之科理無做捨自餘拘繫註誤之徒既懼死僥眉情  
非樂禍宜疎天網一原不問因使逆節知濟存之制  
傾側獲自安之所

宋順帝西討詔一首

門下豺虺反噬費阻西州義士厲魂懦夫聳氣秋肅  
春水跋躓可矜猶宜薄曬六軍肅行天誅驟騎大將  
軍道成神寓英邁敷策深算必能踐機電掩乘利雲  
驅便可總統水陸明發大路實憑嘉謀以清氛汾  
齊明帝非伐篡嚴詔一首

徐孝嗣

門下自晉氏中徵宋德將謝濟臣外叛要荒內侮天  
未悔禍左枉亂華巢穴神州遂淹年載朕嗣膺景業

踵武前王靜言隆替思壹區夏但多難甫夷恩化肇  
洽典師擾衆非政所先用戢遠圖權緩非略冀戎夷  
知義懷我好音而凶會剿技專事侵掠駭扇異類鐵  
聚西偏乘彼自來之資撫其天亡之會軍無再駕人  
不重勞傳檄以定三秦一麾而匡禹迹在斯舉矣且  
中原士庶久望皇威乞師請接結軌馳道信不可失  
時豈終朝宜分命方岳因茲太舉侍中太尉鄱陽郡  
開國公顯達當覽觀揆陰指授羣帥可使持節本官  
公如故便可中外籌嚴明設購賞

梁武帝北伐詔一首

沈約

門下朕膺天明命平壹區宇念在綏懷遠邇康俗濟  
人每勅邊荷勿擾疆場自非時來有會因機電掃不  
得輕信間謀冒求小利兼欲制勝廟堂以德懷遠而  
比得徐豫諸州并郡守啓牒云叢蘭穠隲陳兵淮甸  
蜂聚蟻結規犯邊城推之以事理不應爾但遺虜餘  
孽肆彼人上僞黨猜離爲日已久羯將元澄熾隙內  
構作戎壽春常慮禍及故設此姦數規擾邊鄙望得  
推遷少延唇刻而蜂蟻有壽聞之自古兼以淮肥前  
庶存本志深應赴之宜寔在斯日便可命將出師乘  
機翦定今遣中領軍雲杜縣開國侯慶遠等濟自牛

渚卷甲風塵徑趣長瀨寧朔將軍王僧炳等熊羆三  
萬步出橫塘左將軍珍國武旅五萬相係雷發北向  
鍾離直出肥口冠軍將軍紹叔等養肥四萬飛帆漢  
湖帶卷合肥直指淮濟征南將軍庾先等水步六萬  
同出廬江風掃壽春及我侵地輔國將軍叔等浮舟  
清泗北取下邳雲徹風舉吞蕩彭汴後軍將軍和海  
縑凌波運出長廣營丘蕩國十麾以定左將軍景宇  
等總獎鄧銳師底定伊洛征虜將軍丘黑勒華陽之  
衆斜趣長安畿邊牧守各據要害絕其歸運勿使能  
反侍中穎達等出鎮瓜步枕威江決西道衆軍並受  
茂成規非討羣師悉舉秀戎律鄂司雍自如先相督  
夫兵者凶器定難屢動廢人費財爲邦所戒便宜因  
此營一括囊禹迹先定充司進靡竝涼文軌大同於  
是乎在

梁武帝又北伐詔一首

門下周文薄伐實寧邊患漢武命師允恢王略叢爾  
犬羊陵繼日久宋氏云襄乘釁逞暴海岱彭鄒翦焉  
淪覆雖每存極定雄圖弗舉齊未亂紛復肆姦毒究  
葉淮肥仍離內侮僞首惡稔天誅自降凶渠嗣虐險  
恩彌流殘血親黨咀噬黔庶繁役繇興毒賦雲起司

冀餘華中州舊族練級足究頸載離塗炭延首南雲  
恩沾王澤鼎運啓基大業草創蚤彼戎心仍窺壇場  
皮剝我部侵擾我徐方小豎道遷乘隙背誕凶醜貪  
愚復相苞納前以叛臣難長彼此齊思推心付物庶  
必聞同故有移書較陳在昔而方加擁蔽曾無及報  
同惡相濟市賈非匹告舍既違難以義獎非威非力  
制勝莫從加以醜數云亡幽顯咸應詔諸表微災沴  
備兆殄滅之期皎如日月左伊右瀍實殷霜露鳴臬  
是宅非謂天道一□已周定惟冥數取亂之機事協  
茲日頃時和歲稔政平人豫華戎內款表疏相屬便  
宜廣命羣帥赫然大舉總一車書混同禹迹具位泉  
猷等戎卒七萬先定壽春某等武旅五萬揚旌灑峴  
旣清潁汝臨瀍澗某等鐵騎二萬超影絕羣出自大  
徐傍趨鞏洛某等組甲四萬霜鋒曜日發自淮泗直  
指金墉某等率羽林趨勇五萬某等率二克剽猛熊  
羆十萬同濟彭泗經汴入河某等海峒萬艘徑掩臨  
淄某等輕銳五萬風偃濟岱拂茲鉅野汎彼孟津某  
勒司郢之師馳果六萬步出襄陽橫轡熊耳等率三  
州武毅劍容八萬入自曾陽傳檄峭陝暨中嶽而解  
鞅指浮橋而一息竝勅某等連旌五萬水陸齊遇具

位泉藻帥徒七萬雲飛靈關北通棧路澄廓隴右凡  
此將帥啓塗載路魚麗後軍駘驛繼軌經故中原括  
囊九服伐罪弔人於是乎在大衆外臨宜有總一自  
非密親英譽風略兼遠無以專任闕外投律羣師臨  
川王宏可權進督南北充徐青冀豫司霍八州都督  
非討諸軍事命將出車咸有副貳其位恢可暫輟端  
右參贊戎機舟徒雷駭熊武百萬投石拔距之力折  
關扣鼎之威岳動川移風馳電邁鐵馬方原戈船千  
里百道并馳同會洛邑截窮通躡賊掃鯨鯢被仁風  
於兩周撫遺黎於趙魏將令溥天之下於斯大同偃  
伯靈臺何遠之有元恪若能率徒屬與觀軍門者  
中軍府以時將送當待以列侯之禮

非齊文宣帝征長安詔一首

門下朕撫典運曆數在躬內綏外略志清四海是以  
沙塞之外虜馬無跡遼碣已東夷車共軌百蠻畏威  
三吳慕義天下九州克寧者八惟有秦隴叢爾久隔  
風化借擅一方狼顧鴟時誑誤良善迫脅忠賢置之  
內網無由自拔君臨區宇萬物爲心言念關輔能不  
憤慨而旣壓亂人思大同混一之期事今日武夫百  
萬龍馬千郡含怒書銳爭驅求敵何得真神祇之心

抑將相之請必當訓旅普衆天動雲臨新途舊道長  
驅電擊賊帥宇文黑獺□拒一隅不討日久自許雄  
兒假稱僞將深藏匿跡雖存若亡今于戈不戢輸運  
未止論人指事誰爲厲階不容弘茲度外居之漏網  
斧鉞所用捨此何先類若敢率島合送死東下或由  
舊洛或出太州當親親六軍決機兩陳朕遠尚軒后  
有戰必平近慕成湯無征不克策畧所用抑與神通  
小醜區區想所聞悉苟獲交兵天贊我也如其鼠竄  
秦中憑恃險阨擁兵自守不敢動足朕已下水汾流  
成船晉地便當躬先將士起河西入王壁河東猶如  
弄土何用顧瞻眇小取茲枝葉當徑掩長安象茲凶  
首雖復藏山沒水終不縱置其所部將士足知禍福  
若翻然順疑立忠建効高官重賞事異常倫如其同  
迷不及敢隨逆節軍鋒之下自有恒誅朕以梁邦舊  
敦好睦聞其姦計乃欲都謀荆郢之聞望爲僥倖第  
七上黨王渙雄才猛力氣震三軍賊有耳目豈不委  
具當令其稔勸熊羆□流風卷直指寇場何往不碎  
王者之言明如日月終不示以虛聲而無實事宜申  
宜內外咸使聞知

非齊文宣帝西伐詔一首

陽休之

門下昔漢祚肇興番禺隅有竊號之長土德應運吳蜀  
有不羈之酋自魏道陵夷四維板蕩關隴乘釁擅命  
一方狐兔鴉據假延歲序天網未加生靈塗炭朕握  
符受命臨御兆人九服來撫百蠻稽顙念彼關河獨  
隔王化不有覽勞理無永逸今便親御六軍長驅三  
輔總七萃之雄奮五丁之銳問罪涇濱弔人隴右天  
下大定良在茲辰可以今月二十日出頓勅內外戒  
嚴尚書依式備辦

後周武帝伐北齊詔二首

朕以亭壽爲心遵養時晦遂敦聘好務息黎元而彼  
懷惡不悛尋事侵軼背言負信竊邑藏姦往者軍下  
宜陽費由彼始兵興汾曲事非我先此獲俘囚禮送  
相繼彼所拘執曾無一反加以淫刑妄逞毒賦繁興  
齊魯軫矜悴之哀幽并企來蕪之望旣禍益惡稔衆  
叛親離不有一戎何以大定今白藏辰辰涼風戒節  
厲兵詰暴時事惟宜朕當親御六師襲行天罰庶憑  
祖宗之靈資將士之力風馳九有電掃八紘可分命  
衆軍指期進發

制詔夫樹之以君司牧黔首蓋以除其苛慝恤其患

害朕君臨萬國志清四海思濟一代之人冀之仁壽  
之域緬彼齊趙獨爲匪臣乃瞻東顧載深長想僞主  
涼德早聞醜聲夙著酒色是耽盤遊是悅奄豎居阿  
衡之任胡人寄喉唇之重棟梁骨餒弱爲仇讎狐趙  
緒餘降成皂隸人不見德唯虐是聞朕懷茲漏網置  
之度外止欲各靜封疆共紆人瘼故也爾之丞相曾  
莫是思欲構厲階及貽其梗我之率土咸聞

文館詞林卷第六百六十四 詔卅四 撫邊

中書令太子賓客監修國史弘文館學士上  
柱國高陽郡開國公臣許敬宗等奉 勅撰

漢文帝與匈奴和親詔一首

魏明帝答東阿王論邊事詔一首

後魏孝文帝與高勾麗王雲詔一首

隋文帝頒下突厥稱臣詔一首

安邊詔二首

隋煬帝褒顯匈奴詔一首

武德年中鎮撫四夷詔一首

貞觀年中安撫嶺南詔一首

慰撫高昌文武詔一首

巡撫高昌詔一首

撫慰處月處塞詔一首

撫慰百濟王詔一首

撫慰新羅王詔一首

漢文帝與匈奴和親詔一首

制詔朕既不明不能遠德使方外之國或不寧息夫  
四荒之外不安其生封圻之內勤勞不處二者之咎  
皆自朕之德薄而不能遠達也間者累年匈奴並暴

邊境多殺吏人邊臣兵吏又不能諭其內志以重吾不德夫久結難連兵中外國將何以自寧今朕宿興夜寐勤勞天下憂苦萬姓之惻怛不安未嘗一日志於心故遣使者冠蓋相望結轍於道以諭朕志於單于今單于反古之道計社稷之安便萬姓之利新與朕俱并和過階之大道結兄弟之義以全天下元元之人和新以定始于今年

魏明帝答東阿王論邊事詔一首

制詔覽省來書至于再三朕以不德風遭爰凶聖祖皇老復見孤弃武宣皇后復卽玄官重此哀箠五內傷制又以眇身闇於從政是故二寇未誅黔首元元各不得所雖復兢兢坐而待旦懼無云蓋王俠輔帝室朕深賴焉何乃謙卑自同三監知吳蜀未梟而海內虛耗爲憂又慮邊將或非其人諸所開喻朕敬聽之高謀良策思聞其次

後魏孝文帝與高勾麗王雲詔一首

門下得黃龍表知卿愆忤朝旨遣從叔隨使夫儀乾親運必以德信爲先准列作藩亦資敬順爲本若君信一虧何以臨御萬國臣敬覺替豈能奉職宸居故震震作威以明天罰五刑垂憲以肅不恭斯乃人神

之常道幽顯之通規往以明堂聲制皇化惟新勅諸藩侯脩展時見至於言獎羣方勸說荒服每以勾麗虔誠喻屬要戎今西南諸國莫不祇奉大命星馳象魏或名王入謁或藩貳恭覲觀光駿奔欣仰朝祀皇皇之美於斯爲盛而卿獨乖宿款用違嚴勅前辭身病後託子幼妄遣枝親仍留同氣此而可忍孰不可恕也若卿父子審如所許者應遣親弟以赴虔貢如令弟復沈瘵應以卿祖拊體代行過事二三並違朝命將何以因昔房風晚至大禹所以垂威東國關敬周公所以親駕斯豈急急於兩夫邇邇於兵甲者哉但以縱之則萬國同耆劉之則九宅齊肅故也從叔之朝乃西藩常事今於旅見之辰而同之歲時之使於卿之懷寧可安乎卿之親弟及卽鄰二人隨卿所遣必令及元正到闕若言老病者聽以四牡飛馳車輿涉路須待卿親至此然後歸反羣后重奩今召今朕失信藩辟者尋當振旅東隅曜戎下土收海金賚華夏擁貉隸而給中國廣疆畿於滄濱豐饒使於甸服抑亦何傷乎其善思良圖勿貽後悔如能恭命電赴既往之稽一無所責恩渥之隆方在未已矣不有君子奚能爲國其與朋秀宗賢善參厥衷稱朕意焉



隋文帝頌下突厥稱臣詔一首

門下突厥沙鉢略可汗表如此昔暴風不作故爾越  
知歸青雲千呂使西夷入貢遠入內向乃事關天壤  
需相踵抗衡上國止爲寇盜禮節無聞唯有呼韓永  
臣於漢竒才重出異代一揆沙鉢略稱雄漢北多歷  
歲年左極東胡之土右苞西域之地遐方部落皆所  
吞并百蠻之大莫過於此昔在北邊屢爲草竊朕常  
曉喻令必脩改彼亦每遣行人恒自悔責今通表奏  
萬里歸風披露肝膽遣子入侍盤其區域相率稱藩  
往追和輿猶是二國今作君臣便成一體情深義厚  
朕甚嘉之蓋天地之心愛養百姓和氣普洽使其遷  
善屈膝稽顙長威懷惠雖衣冠軌物未能頓行而稟  
訓承風方當從夏永爲臣妾以至太康荷天之休海  
外有截豈朕薄德所致此已勅有司肅吉郊廟宜普  
頒行天下咸使知聞

隋文帝安邊詔二首

李德林

門下有陳氏昔在江表劫剝生靈事等怨讎何以堪  
命嶺南之地塗路懸遠如聞凶魁賦斂食若豺狼賊  
署官人情均谿壑租調之外徵責無已一丁年科甲  
一具皮毛鐵炭船乘人功殊方異物千端萬緒晨召

暮行夕求且集身充苦役至死不歸物有借公本不  
還主與人共市百倍求利詰官申屈一代無期各不  
聊生無能自保晝悲宵恨行號坐泣微畜資產破爛  
立至誣以賊盜繫以囹圄貨財不盡性命不存彼土  
之人性多純直弗堪州郡濫獵之苦或避山藪規免  
且夕卽解及叛申於僞臺歲歲起兵西南征討多縛  
良善以充賊隸圓首方足同稟性靈故以上感玄天  
有傷和氣南海諸國欲向金陵常爲官非法繫檢遠  
人嗟怨致絕往還陳氏云徵厥途非一粗陳聞見其  
慈實甚今皇師宣揚朝化凡此諸事已爲百姓除之  
重加存恤之理別申愛養之義軍行所及一豪勿犯  
外國使人欲來京邑所有船舶汾汴江河任其載運  
有司不得搜檢嶺外土宇置州立縣既令擢彼人物  
隨便爲官省迎送之煩知風俗之事訓人導德正身  
率下必當悉改前弊以副朕懷

門下西南夷俗違僻一隅皆在漢朝始經開拓山藪  
之內多或生梗頃年以來荒遐率服梯山航海無闕  
歲時而種類寔繁競相殘賊重譯款邊奉藩屢請咸  
乞王師救其暴亂朕受明命爲天下君一物失所載  
深矜愴懷柔止殺前王今典宜遣大使先喻朕懷仍

命諸軍勒兵繼進若軒蓋所至望風投款善加殺養各令安業如或愚蔽敢相抗拒軍鋒所及止在逆者一身自餘家口竝亦撫慰務在安全一豪勿犯不得肆將士之情極干戈之用遠方異俗知其此心

隋煬帝哀顯何奴詔一首

門下德合天下覆載所以弗遺功格區宇聲教所以咸衆至於梯山航海請受正朔襲冠解辮同彼黔黎是故王會納貢義彰前冊呼韓入朝待以殊禮突厥意利珍豆啟人可汗志懷沈毅常脩藩職往者挺身違難拔足歸仁先朝嘉此款誠授以徽號資其甲兵之衆牧其殘滅之餘復祀於既亡之國繼絕於不存之地斯固施均亭育澤漸要荒者矣朕以寡德祇奉靈命思播遠猷光熙令緒是以親巡朔野撫寧藩服啟人深執誠心入奉朝覲率其種落拜首軒墀言念丹款良以嘉尚宜隆榮數或復恒典可賜輅車乘馬鼓吹幡旗贊拜不名位在諸侯王上

武德年中鎮撫四夷詔一首

門下畫野分疆山川限其內外遐荒絕域刑政殊於函夏是以昔王御俗懷柔遠人義在羈縻無取臣屬渠搜卽叙表夏后之成功越裳重譯美周邦之長算

至如秦皇好勝□逐戎夷漢武憑威交兵胡越遂使四萌曝骨九府無儲天下騷然海內愁怨有隋季代黷武耀兵萬衆疲於河源三年下

文館詞林卷第六百五十五

詔十五

收有一

宋李峴等撰唐文館學士上柱國高陽郡開國侯許敬宗等奉勅撰

後漢郊章帝廟大赦詔一首

東晉成帝郊祀大赦詔一首

後魏孝文帝祭國丘大赦詔一首

宋文帝南郊大赦詔一首

親祠廟大詔一首

南齊武帝郊祀大赦詔一首

饗祭大赦詔一首

殷祭恩降詔一首

梁武帝新移南郊親祠大赦詔一首

南郊恩降詔一首

南郊恩詔一首

冬至郊禮赦詔一首

禋饗恩降詔二首

北齊孝昭帝郊祀恩降詔一首

宋文帝拜陵赦詔二首

貞觀年忠拜謁陵赦詔一首

西晉武帝籍田大赦詔一首

宋文帝籍田大赦詔一首

宋孝武帝躬耕千畝大赦詔一首

籍田大赦詔一首

南齊武帝籍田恩詔

梁武帝籍田恩詔二首

藉田勸農大赦詔一首

宋孝武帝明堂成大赦詔一首

後魏孝文帝遷都洛陽大赦詔一首

隨煬帝營東都大赦詔一首

後漢章帝郊廟大赦詔一首

制詔朕巡狩岱宗崇望山川告

祠明堂以報先勲其二王之後

先聖之肩東后簪衛伯父伯先

仲封季第幼子幼孫百僚從臣

宗室衆子要蒸四裔沙漠之北

蒼嶺之西冒瀝之類跋涉懸度

陵踐阻絕駿奔郊時咸來助祭

祖宗功德延及朕躬予一人空

虛夕我纂承尊明盥洗享薦慙

愧慄慄詩不云乎君子如和亂

庶幾已庶幾既從靈曜著文亦

欲與士大夫同心自新大赦天

下

東晉成帝郊祀大赦詔一首

制詔仰憑先訓傍賴宰輔雖自

弱勵恆惕于心有司備典度奉

郊祠燔柴既饗芳氣清稷誠君

子勤礼吐力普存祖宗神靈天

下咸得自新

地歆類矣奚猶朕躬荷斯沐祐

思與兆庶共同斯慶其大赦天

以上缺文

與惟新可大赦天下自大業二年四月廿五口昧爽以前大辟罪以下已發覺未發覺及繫囚見從惡皆原免其流徙邊方已達前所亦宜放還人  
在矜極天下黎元宜免一年租調人誰無過所貴能改赦書以前去官失爵者必行赦可釋宜量才收叙官人犯罪已從科斷更令式優情有矜自今以起宜

罰防及劫賊之

家口遠配亦宜得遣晉陽送

生者多弄假錄用寔准朝典

在送地為嶮虫解任者亦量

用內外群官俱當朝委但欲

化人使知禮節則欲訟自

平可期常教所

不限若揆義軍

日不首復罪如初赦以前有

相告言者以其罪罪之

林卷第六百季五

天鳳二年五月十日吉子日神福寫

文館詞林卷第六百六十六

詔卅六 敕省二

宋書太子賓客魏謩之奏錄宋古風樂府詩集卷之六

物撰

西晉武帝立皇后大赦詔一首

東晉成帝立皇后大赦詔一首

東晉穆帝立皇后大赦詔一首

東晉孝武帝立皇后大赦詔一首

後魏孝靖帝納皇后大赦詔一首

東晉明帝立皇太子大赦詔一首

東晉孝武帝立皇太子大赦詔一首

後魏孝靜帝立皇太子大赦詔一首

宋孝武帝立皇太子恩詔一首

梁武帝立皇太子大赦詔一首

重立皇太子赦詔一首

立太子恩賚詔一首

後周武帝立皇太子大赦詔一首

貞觀年中立皇太子大赦詔一首

後周明帝立皇太子恩降詔一首

後魏孝莊帝立皇太子恩降詔一首

梁武帝立皇太子恩降詔一首

東晉元帝立皇孫大赦詔一首

後魏孝文帝立皇孫大赦詔一首

貞觀年中誕皇孫恩降詔一首

東晉成帝元服改元大赦詔首

梁武帝皇太子冠敕詔首

東晉安武帝皇太子納采冠賜詔首

梁武帝皇太子冠衣大赦以下罪詔首

宋孝武帝皇太子冠衣詔一首

齊世祖大赦詔一首

宋孝武帝巡幸歷陽郡大赦詔首

巡幸曲赦南徐州詔一首

南齊武帝幸去丹陽宮月降詔首

北齊後主幸大明宮大赦詔首

陳後主幸長干寺大赦詔一首

隨文帝拜東岳大赦詔一首

隨煬帝巡幸北岳大赦詔一首

幸江都赦江淮以南詔首

武德年中幸通義富敦京城勅首

貞觀年中幸國學曲恩詔首

幸魏王泰宅曲赦詔一首

西晉武帝立皇后大赦詔一首

制詔朕聞王者所與度承祖宗敬供榮盛刑于閭闔以儀刑萬邦者必須內主是以選建長秋正位中饋庶隆化本嘉與百姓日新其政其大赦天下

東晉成帝立皇后大赦詔一首

制詔傳云正家而天下化蓋美妃后之義也是以周文稱有亂之盛大雅詠徽音之章朕以躬身弘濟艱難賴祖宗之重宰輔元勳羣公卿士之力今長秋既建度告宗廟正位中饋以奉榮盛軌物六宮刻諸內典將與四海咸同斯慶加項者年儉百姓不足宜寬簡省諸徭役其大赦天下普增位一等自王公以下在職者賜各有差

東晉穆帝立皇后大赦詔一首

制詔夫乾坤表二儀之象開雖明人倫之始是以威恒數化成之義風雅詠麟趾之美所謂正家而天下化朕以寬德纂養洪緒仰憑祖宗之靈仁愛之訓羣公卿士服膺之力用能克備憲章往述古典今長秋肇建以正六宮榮盛有奉內化有寄庶弘惟新形于政道思與億兆咸同斯慶其大赦天下

東晉孝武帝立皇后大赦詔一首

制詔聖王居位同體二儀匪唯外政亦由內化是以鑿降鳩酒慶道以隆文定厥祥周德斯興欽若典禮長秋肇建體兼天之儀齊開靡之義應斯奉時正體皇無軌暉壺闈微音六宮支軋坤定位則萬類陶育兩儀交泰黎元和雍率土悅豫咸同斯慶大赦天下普增位一等

後魏孝靖帝納皇后大赦詔一首 溫子昇

門下朕以憲德續戎寶命君臨億兆四海為家願惟六宮宜有內主奉策宗曆必俟盛門渤海王以命時大才開物成務剋濟奸難匡復區夏俾予沖人有所憑賴自天佐合實在大邦造舟所歸物無異望王公卿士人謀既從大莖元龜罔不襲吉率禮妙納正位紫宮今朱明在辰祝融御節蒼蒼品物成是南訛順時布恩蓋准典故可大赦天下與人更始

東晉明帝立皇太子大赦詔一首

門下正位儲嗣以靈羣望是用稽古建茲東宮時消洪基於靈符添君道於傳訓一人有慶兆庶同休大赦天下增位二等大誦三日

東晉孝武帝立皇太子大赦詔一首

門下夫古先哲王有國有家者必建儲養



重以宗無窮；統所以欽奉祖宗克隆萬業故嘉表於陽秋守器著於周易朕以宣德慕承洪緒虛心慮畏若涉深海思樹靈根永固遐業今東宮始建皇極有寄社稷之慶豈惟朕躬將與億兆萬人咸同斯祐其大救天下加位二等大輔五日布帛之賜主者詳為；制其餘依舊

北齊魏收

後魏孝靜帝立皇太子大救詔一首  
門下朕臨有天下將廿年宗廟歆祀群生獲又薄德之君何能致此皆由宰相勤王文武宣力上下協心神祗降祕有育樹宮未昇儲貳元輔百辟喻以格言且爰命副君嗣成先業此蓋有國之恒規前王之大典也今令月嘉辰少陽崇建無窮之慶豈獨朕躬加比軍國經紀非無勞役吏失其所平有憲侵永言念之思從休泰宜其中息廣澤欣慰三才可大救天下自武定七年八月十日昧爽已前謀及大逆已發覺未發覺赤手殺人繫囚見位之身悉原除之流配邊方未至配所亦皆聽免

宋孝武帝立皇太子恩詔一首

門下朕度奉宗祧屬業艱運仰瞻先構同識克崇思所以永貽皇緒傳之萬萬建茲

初弱用武統歷社稷有慶庶邦仰貞樂敷訓澤廣被黔首可賜天下為父後者爵一級孝子順孫賜以粟帛

沈約

梁武帝立皇太子大救詔一首  
門下朕夙續增祚君臨四方夕惕黃畏若賓川谷思所以光闡洪基剋隆鼎命王公卿士咸以為樹元立端有邦所先守器傳統於斯為重是用俾茲幼蒙體軀任貳承固宗祀以貞萬國元良；寄非獨在余宜洽嘉慶被之億兆可大救天下賜人為父後者爵一級

重立皇太子救詔一首

門下朕臨取万邦慄焉極畏夙夜自強因知攸濟隨時麗澤因物為心建立儲宮以靈區宇書不云乎一人有慶兆庶賴之思與率土同其不福凡天下罪無輕重已發覺未發覺侵散官物已上清議流徒并被禁錮在今年七月七日昧爽以前皆赦除之

沈約

立太子恩責詔一首  
門下朕屬當期運係述前王恩所以長俗流社稷之萬業百辟咸以良寄有國莫先先昔哲后降及近代莫不立儲樹岫守器承祧乃旁挹尊議遠惟七百建茲蒙幼仰

副宗祊表華寧闡崇基克永無疆慶非獨在余思需費澤被之遐迹可賜天下為父後者爵一級工休以下量錫幣帛

後周武帝立皇太子大赦詔一首

制詔朕博觀載籍歷選前古粵自炎吳王度未詳降及夏殷肆章大倫罔不崇建元子俾承洪業上繼宗祚下安群望姬漢目備媿晉必嬰纒緒去統於是予在伏惟太祖又皇帝建茲皇極立我基人練石補天

斷整約地時逢多難運屬樂推事極成功禮終臣昂明皇帝天聽聖哲推紀君臨德邁望雲道高就日河海呈瑞則龜龍載文

山岳動靈則風雲昭應朕以不德玉浪天序宵分廢寢疋晷忘准惕甚納惶慄踰馭朽寤寐茲永延伫傳籙念求人瘼思廷朝

政公卿百辟億兆黎元托表固陳請崇上嗣魯國公贊成德未紀遂齊儲禮仍加元服思與率土同茲嘉福可大赦天下

貞觀年中立皇太子大赦詔一首

門下朕祗膺靈命嗣守鴻基孜孜於政道規範於寶位中夜求衣日旰忘食十七

載于茲矣實欲敷睦九族平章百姓濟斯人於仁壽及澆風於薄朴永言前載詳思

至道以為儲戴之重宗祧所繫不肖者既

為億兆慶之明德者又為社稷立之三善既隆四海攸賴七廟之祀有寄方代之往方承元良之慶豈獨在予宜布愷澤被之率土可大赦天下自貞觀十七年四月七日昧爽以前大辟罪以下罪無輕重已發

覺未發覺已結正未結正皆赦除之

後周明帝誕皇太子恩降詔一首

制詔禮稱貞子詩則斯明兩任離前星表吉誕于甲觀生自畫堂欽茲一有以負萬國宜與兆人共協嘉慶可降死至流降

流至五歲刑五歲刑已下悉原免

後魏孝莊帝誕皇子大赦詔一首 溫子昇

門下有國三善享屬元良本枝百葉我鍾繼體朕應天纂命握圖文錄景祚惟新卜

年以永令月吉辰皇子誕育彩雲映日神光照殿方開博望將起龍樓遠近同權人

神共悅便可大赦天下與人更始自昧爽以前謀及大逆已發覺赤子致人繫囚免

德流配未至前所者一以原免若亡命小澤隱藏軍器百日不自首者復罪如初

梁武帝誕皇子恩降詔一首

門下朕拓樹洪業先宅區宇而本枝之慶未廣樹披膝衛之地猶闕藩屏言念孑獨

未能忘懷茅三兒如育磐石之基於烏弥

固慶雖自己思加罪及凡死罪可降一等

五歲刑降二等三歲刑以下並悉原赦唯

實加在三及敘祖父母不在降例

東晉元帝誕皇孫大赦詔一首

門下朕以不德昧于政道自陟帝位迄今

五載雖四海宅心然頑凶未滅封豕長蛇

荐食上國夫保大之功在於絀武物無幽

否然後大享事不暫勞則不得永逸是故

命大將遣衆軍掃定中原在此行也自頃

彝倫失序強弱兼并並列齊崩而相為私

難是以極出良人以備甲卒而百姓之費

公家之出不得操事計以萬數又大化未

濟農刑者衆牧人者以苛為察庶獄未清

朕恒憂歎皇嫡孫戴育百業之本月心元

日品物革變思令也庶沛然從善其大赦

天下

後魏孝文帝誕皇孫七赦詔一首

門下朕慕承大業十有四年未能極奉天

地道合陰陽令五行順緒化殺時邕願推

實薄戴懷慙懼宗廟之靈以今月十八日

皇孫誕育既有嘉慶思與億兆同之可大

致天下咸與更始

貞觀羊中誕皇孫恩降詔一首  
門下固宗祧者乞屬元良陸本校者寔實

往省周德所以休明漢府於馬長人朕任

奉 雲騰臨御帝國 天地降祉宗社垂

祐令月嘉辰嫡孫誕育祥發高謀事踰中

觀一人之慶既洽萬業之祉無疆宜布凱

澤被億兆天下見禁囚徒咸宜降罪无

罪徒流徙徒徒以下罪並放其犯十惡

常赦所不免官人杜法受財監臨土守自

盜盜所監臨劫賊傷人故殺人謀殺人己

加功者並不在降限内外官職事五品以

上子為父後者各加勳官一轉天下大贖

五日其去年收儉之慶百姓既有少乏不

在大贖之限

東晉成帝加元服改元大赦詔一首

門下朕以薄祐少遭閔凶仰瞻增構孤榮

眇然賴祖宗之靈軍輔之訓羣公卿士之力

用剋堪軌度免諸艱難冠禮之始嘉事之

重慶告宗廟進納元服於成德之不揚寔

有揚于乃心將與地庶饗茲寵社其大赦

天下改咸和十年為咸康元年增文武一

等大贖三日賜百官官銀鯨鯢獨未五

解  
梁武帝皇太子冠赦詔一首

門下太子養器春方式備成德休辰肇歲  
元服顯加洪基云固大業克永豈以禮茂

三服實亦慶單兆庶凡罪無輕重未結  
者皆赦除之已結正者皆量所優降王公  
以下宿衛文武並加班費為父後者賜爵  
一級勤事之職需以勞位主者可詳當施  
行

東晉孝武帝皇太子納妃班賜詔一首

制詔太子督禮既就仰祖宗遺烈憑道德  
之資保傳弊翼賢士竭誠慎行無違勉及  
成德積善慶隆豈惟在予夫大費班錫乃  
以宜其悅情其便依掌有賜

梁武帝皇太子督降大辟以下罪詔一首  
門下太子籍訓師保羊業克富吉日惟良

式昭督禮道俗春宮德光幾望本枝方固  
慶無黎元思私涇惠以被遐迹凡大辟以  
下及諸彈生可並詳降處主者為條格施  
行

宋孝武帝講武原降詔一首

門下昔人稱人道何先莫先於兵雖淹紀  
勿用忘之必危朕以聽覽餘閑講事西郊  
朝授鉅節士遵師令坐位有序進退無爽  
良用欣焉軍禮以下普量班費頂化弗能  
行而人未知禁官役連調起觸刑網朕每  
矜之凡諸逃亡在今昧爽以前悉皆原罪  
已滯囹圄者釋還本役其逋負在大明三

年以前一停督責自此以還貧疾老弱詳  
所申減巧上伐實之家獨租稅半羊近藉  
乃新制亦在求用多謀可普更符下聽以  
今為始若先已犯制亦同蕩然

宋孝武帝春蒐大赦詔一首

門下朕受天慶命十一年於茲矣憑七廟  
之靈獲上帝之力禮橫四海威震八荒方  
巡三湘而奠衡嶽夕九河而檢岱宗今談  
那功成優遊政化雲至鸛降省風巽水魚  
觀臺六合之首蒐拔長列之表命荆江而  
起翻詔充豫而馳足搖嶽蓋海騰沙飛磔  
發晉合序鏡提協節入獻祀典饁默填郊  
故張樂揚宮饗戎星樓放舉王公之觴廣  
納士人之壽八風脩通卿雲養聚盡天馨  
瑞率宇竭歡思散太極之泉以福無方之  
元可大赦天下行幸所經無出今歲租布  
其遺餘責負勿復收賜人爵一級女子百  
戶牛酒邦守邑宰及人吏從蒐者普加霑  
養

宋孝武帝巡幸歷陽郡大赦詔一首

門下昔羣黨假權天威震曜雖致專制令  
日月貞明而內昇外扞猶勤先鑒朕以幼  
羊早美寵樹朝議晏罷首途藩道而豐弗  
身先運屬山危雖剋定禍亂重創鴻緒咸

尋情事痛崩心目今威加四海望秩滄嶽  
自六此境廿餘載少壯零落童鴉成人里  
邑荒耗軍府殘悴觀政臨原將百常慨出  
不踰時迴鑾有日輟盡悵飲之歡思廣雲  
雨之施可大救天下南豫州別署勅繫長  
徒一切京散其兵廝勞鑿謫代志停徒朕  
昔初出鎮將吏賜位二等有犯賊汙勒注  
特宜蕩除與之更始軍身服役嘗經齊肉  
免為平人

宋明



文館詞林卷第六百六十七

詔卅七

卷之二

此書在宋書卷之六十四上卷之六十五下卷之六十六中卷之六十七下

初撰

漢宣帝鳳皇集泰山敕詔一首

後漢章帝麟鳳等瑞改元敕詔一首

後魏孝靜帝膏雨大赦詔一首

宋文帝嘉禾秀杏師救詔一首

後周明帝靈鳥降大赦詔一首

靈鳥等瑞大赦詔一首

又靈鳥等瑞大赦詔一首

隨文帝獲寶龜大赦詔一首

貞觀年中獲石瑞數救涼州詔一首

漢九帝火災赦詔一首

後漢順帝災旱大赦詔一首

西晉武帝三辰謫見大赦詔首

西晉惠帝玄象失度大赦詔一首

西晉愍帝地震大赦詔一首

東晉穆帝日月薄蝕大赦詔一首

東晉海西公災眚大赦詔首

東晉孝武帝地震大赦詔一首

運震大赦詔一首

大早恩宥詔一首

陰陽愆度大赦詔首

玄象告譴大赦詔一首

東晉廢帝玄象告譴大赦詔首

南齊高帝水旱乘度大赦詔首

後周宣帝大旱恩降詔一首

陳宣帝辰象愆度大赦詔首

貞觀年中為中東雨水大赦詔首

漢宣帝鳳皇集泰山故詔一首

制詔迺者鳳皇集泰山陳留甘露降未央

宮朕亦能彰先帝佳烈協靈百姓美天順

地調序四時獲家嘉瑞賜茲祉福夙夜兢

兢靡有驕色內省匪懈水惟罔愆書不云

乎鳳皇未儀庶尹允諧其赦天下徒賜勅

事吏二十有以以下爵

後漢章帝麟鳳等瑞改元故詔一首

制詔朕聞明君之德啓通鴻化緝熙康人

光昭六幽託惟人面靡不率俾仁風翔于

海表咸運行乎昆區然後敬恭明祀膺五

福之慶獲未儀之祝朕以不德受祖宗弘

烈乃者鳳皇仍集麟龍並臻甘露宵降嘉

穀滋生芝草之類歲月不絕朕夙夜祗畏

上天無以彰于先功今改元和四年為章

和元年秋令是月養喪乞授几杖行糜粥

飲食其賜高年二人共布帛各一匹以為

醴酪死罪囚犯法在景子赦前而後捕繫

者皆減罪勿苦詣金城式

祇作節則嘉液從來未明在律而骨潤應

序庶品順性群物靡違水火萍實祥飢茲

備凡我兆庶鼓腹可期宜由神祇春止精

靈是贊有一於斯載深位荷願備盛味當

此萬機刑厝未及獄訟不息尼吏回以輕

重朱筆致其淺深所石靡中圓五胎怨天

下之廣豈曰無之子育點首也地當憂責

一物非所懼深在予生衣望晚非此執念

今宇宙清明風雨和洽草木條暢昆虫

滋愛仁玉燭宜存寬政救罪開仁務申恩

厚可大赦天下自武定三年五月廿六日

朕爽已前謀及大逆已發覺亦予赦人繫

囚見徒流配邊方未達前所者悉原免

宋文帝嘉禾秀京師大赦詔一首

門下朕奉永宗祀嗣守鴻業夙夜夙畏思

隆玉緒未能光宣先德式揚風教惠政弗

孚矢言靡訓庶徵譽度邊惠屬興念深納

隄每懷明發故躬親帝藉敬恭務本夔茂

不端採靈萌瘳頃羣方幼捷要荒草面時

和歲稔預祥仍集嘉稷玄黍頌秀京畿合

稔秘苑擢穗千畝潔染神倉薦饗郊廟二

才協靈幽顯借順永惟休祐何以臻茲自

天降康寧伊在予思尊斯慶施于萬邦可

大赦天下文武賜位一等華林園職等量

賜之

後周明帝靈鳥降大赦詔一首

惟二年八月景子王若曰誥我太師太傅

太保大冢宰大司徒大宗伯大司馬大司

寇大司空爰暨列將大夫士州牧守士公

侯伯子男等夫天不變寶地稱表瑞莫不

威鳳巢閣因龍躍沼豈直日月珠連風雨

玉獨是以鈞命決曰王者至孝則出元命

苞曰人君孝道所感有虞畜之來茲異趾

周文翼其翔此靈會文兮至德下覃遺仁

爰彼遠符千載降斯三足表離曜之明效

若道之云將使二方歸本九州籠一惟此

大祉景福在人予安敢讓宗廟之善弗宜

大惠可大赦天下文武官普進二級自今

二年八月十五日昧爽以前大辟罪以下

厥狀發露未發露其棄成洎見徒皆悉降

不問

靈鳥等瑞大赦詔一首

制詔惟夫天工人代樹之元首休徵咎徵

必有攸應我皇家受天明命奄有萬國夙

宵震陽勵精不怠登靈臺以觀物生總章

而布政廣幾六沐不起五福相生祖宗貽

厥禎祥頰集九尾一見三足以來仁獸呈

儀慶雲表色至如倉鳥赤雀白菟玄狐嘉

未連理芝草甘露史不絕書充伋天府玉

燭斯調膏雨應節東作歲平西成屢稔重

以東國行仁哀矜庶獄朕大伯母及第四

姑楊氏逢茲寬政獄省來西惟姑已至循

心載展伯母璣暑許辱禮送言而有信所

以為國事本由表義無乖奕伯母仁姑屬

尊德懿離隔三紀欣奉一朝既荷天休又

燕家慶思與億兆同此骨悅可大赦天下

又靈鳥等瑞大赦詔一首

制詔朕聞受命之君必有神靈之異禎祥

之符然後得履乎地人之上不然曷以永

年哉是以方冊所述其事甚衆至如湯有

白狼文有赤雀皆為表明其道一人視聽

我有周誕受天明于今六祀三薦神鳥之

瑞再獻芝草之福呈九尾於東郊獲三角

於南鄙嘉禾生於薊郊連理出於安定華

平茂乎禁液甘露沙乎芳苑其餘祥見殆

無虛月朕內省寬薄豈日能致當由大祖

靈聖幽明無極餘慶可單猥鍾下武可述

先志厲所展獎安敢讓茲景福墜天之慶

可大赦天下

隨文帝獲寶龜大赦詔一首 李德林

門下昔文出龍鱗軒示於俗字生龜甲充

告群臣蓋極奉天心宜揚神化朕以薄德



荷天之休道未潛通常懷愧悚粵以閏三月癸丑汝州刺史元崇義獻寶龜一其腹下甲文曰天下揚興隱骨天成文字明顯傍有二所似日月之字此龜出於汝水得自漁人崇義見以為違使任貢朕傳諸內外俱共遍觀王公鄉士咸曰休哉於是尚書奏儀太常擇日喜見圖書之瑞請式壇場之禮往者初膺大寶律應仲春禮祀南郊忌違時令月惟首夏德主於離敢違肆類之典仍受龜者之賜皇靈明命昭著殷勤拜伏震驚增其慙惕上方之意唯在愛人自若臨四海憂勞地庶未能草前王之彫弊變未俗之好穴禮教尚擁囹圄弗空百姓有過實非其罪是朕訓導不明陷於刑戮何以副蒼昊之德稱黔首之懷責在朕躬無所逃避今燁怒之使當生長之時仰惟天道義存寬宥固將潛運生靈俱登仁壽宜刷蕩瑕穢許其自新可大赦天下貞觀年中獲石瑞曲救涼州詔一首

門下省朱鳥降於周代君臣動色黃龍見於漢室天下稱慶况乃稍祥顯着靈眷昭然者哉朕嗣守宗祧夙夜寅畏憂勤在於政道撫育過於含生十七載于茲矣上玄儲社貞石表瑞成命發於文字事高振古

宴皆邁於河洛祚表無疆朕是以式備禮煉躬謝蒼昊遠于儲兩亦申虔拜玄冬式序黃鐘在律翔風既功飛雪載零及長至在辰同雲脩卷既升泰壇爰奉玉帛六合開朗愛日揚光兩儀交泰靈既允集神祇又福豈獨在予和樂之慶宜被率土可賜天下大酺三日自漢魏以來及於近代每有大慶或賜牛酒然牛之為用耕稼所資多有宰致深泉惻隱其男子年七十以上令州縣各量給酒米麵並以官物充涼州之地嘉瑞攸出加恩之典抑有驚章涼州都督府一州及所管縣大辟罪以下見禁囚徒並宜原放其十惡故致人知賊傷人竊傷人謀殺人已傷官人枉法受財監臨主守自盜盜所監臨悉不在施限都督府官人及當州折衝府并縣官人並宜賜會以官物充仍令通事會一人馳驛往宣詔并會涼州百姓給復一年金紫光祿大夫行同州刺史檢校都督安康郡開國公李襲譽賜緡一百疋所管縣令賜絹卅疋囚繫之徒雖有罪謹日茲嘉慶弘用哀矜其京城見禁囚徒宜令皇太子諱慮過不在慮限訖並奏聞仍令所司具為事條

漢元帝火災救詔一首

制詔曰迺者火災降於孝武園館朕戰慄  
恐懼不燭慶異各在朕躬有司又未肯  
言朕過以至於斯將何以寤焉百姓仍遭  
凶厄無以相振加以煩擾予苛吏拘牽乎  
微文不得永終性命朕甚閔焉其救天下  
後漢順帝灾旱大救詔一首

制詔朕託王公之上欲道日宣政失履中  
陰陽氣隔寢盜放肆庶獄弥繁憂悴永歎  
疾如首詩云君子如社亂庶幾已三朝之  
會朔旦立春嘉興海內洗心自新其大救  
天下從甲寅赦令已未浸秩屬藉三年云  
月以來還贖其闕顯江京等知識皆烟禁  
一原除之務崇寬和敬順時令遵典去苛  
以稱朕意

西晉武帝三辰謫見大救詔一首

制詔蓋古之聖王統天御俗威能仰協陰  
陽俯和庶類使休徵咸應率土獲安無灾  
耆之惠家人康之福朕君臨萬邦託于王  
公之上而德不足以承天惠不足以懷物  
仁誠未著政刑多失三辰見謫水旱為灾  
人食不足困于飢饉寢戎不靜仁成勤瘁  
亡逃竄於林莽繫執幽於囹圄犯罪離辜  
刑傷者衆何不違之遠朕甚自媿也救過

宥罪易著其象音灾肆救書載其義此所  
以蕩瑕滌穢責已崇寬砥慎戒異變復之  
道也思與百姓日新其化其大救天下  
西晉惠帝玄象失度大救詔一首

制詔古之明君導人以德齊之以禮人有  
廉耻之風尚何姦宄之有故能令行而不  
犯刑措而不用朕以寬德改化多否各微  
任見天象失度陰陽謀冰水旱為灾每覽  
斷獄請奏離羣者衆大皆錄促勤庠窮困  
之由上失其道以陷生靈之命朕甚自愧  
也間詔當錄逋尉洛陽以散理寬疑有所  
寬宥而今唯加京城不及州郡蒙之者寬  
懼無以上承天忒下全黎元其大救天下  
自殊死以下皆救除之庶在位羣賢厲意  
盡心日新其後具為令

西晉愍帝地震大救詔一首

制詔朕以實德昧于大道承祖宗之餘慶  
當廢典之歷運受命于茲荏苒四載外不  
能掃蕩元寇奉及梓宮內不能協和陰陽  
清輿華夷而近地大震動天將以此警肅  
朕躬昔鼎耳之灾殿宗儲德天地變動素  
服遷殿今劉載孤寢逆黨乖離前克大舉  
席卷平陽然羣庶誑誤深罪者衆宜開弘  
宥以切補愆自頃二秦飢荒兵革累年易

子折骨道殫相望無賴之人毀廢漢陽憫  
茲窮隸重以數惻又聞平陽蒲坂已東及  
關外六歲咸有反善內附之心其大赦天  
下唯劉載起舟家室不從赦例

東晉穆帝日月薄蝕大赦詔一首

制詔朕承先緒慕嗣洪基不能弘濟以道  
惠康黎庶至使毗俗流弊以陷于疊辟掠  
楚過訐或有誣誣每聽刑竟所以矜悼申  
復至于再三而未能過者求其也頃日月  
薄蝕五緯愆度譴罰既彰各徵又臻不有  
失政何以致此雖懷惕厲罔知其郵資始  
厚載軋坤之德肆宵宵罪先王仁澤月正  
元日履端草始思與萬國暢此惟新其大  
赦天下賜解寬孤獨不能自存者人米五  
斛

東晉海西公安青大赦詔一首

制詔朕以實德遺家多難慕表洪基屬當  
大重雖夙夜兢兢昧且思政而不能陶融  
玄化宣理二氣致令天文改變太陽虧曜  
五緯錯繆於上水旱定害於下外則寇逆  
未平戎侵殿廣內則勞務未已人力彫弊  
而文武之司不能勤盡人隱惟刑之郵罪  
者衆獄訟繁積每覽其事愧悼于懷書去  
邦之滅否在予一人思惠元元以康兆庶

其大赦天下與物更始今年三月七日昧  
爽以前謀反大逆手煞人以下皆赦除之  
唯存堅潔容煇不從赦例無樂生之類遂  
陽和以敷育究結之氣隨谷風以舒散豈  
敢以上謝天譴蓋所以少慰其心主者依  
舊具條制宣下稱朕意焉

東晉孝武帝地震大赦詔一首

制詔夫政道未弘風化未溥求之人事理  
盡為遠欲令方象曷度五緯順序其可得  
乎頃者上天垂鑒譴告屢彰朕有懼然震  
惕于心思所以存誠致感備近應遠者在  
於議獄綏死赦過宥罪庶因天變與人更  
始其大赦天下謀反大逆手煞人以下坐  
盧懷拾罪者悉皆原之冠禮之重告成宗  
廟前朝舊典皆有位賜蓋刑率五咸同嘉  
慶其追增文武位各一等吏刑獄者求盡  
情當一失其聽則階濫功臣賢者誣獲所  
由替而弗嗣則勲美永湮愛敬者自然之  
性幽而弗顯則至行靡聞操業者砥礪之  
階略而弗甄則貞實沉淪今其簡刑刑獄  
興廢絕絕有孝於其親忠於其君義婦順  
孫見重於邦鄉者又搜揚滯滯務求遺逸  
一不之操必令上達其宜下四方皆以狀  
聞

東晉孝武帝運震大赦詔一首

制詔朕以寬德昧于政道承祖宗之重託  
 王公之上雖仰衽先典傍賴宰輔夕惕晨  
 興思勩遠猷而誠之所感弗能熙暢天和  
 政之所弘未足允洽時雍嘉祥愆應咎徵  
 仍至重以天威運震告首觀異衽違忒懼  
 有同冰谷可以不仰惟靈謹克已思復鑒  
 于休否弘其攸濟夫祈天存乎順人剛定  
 莫若脩德滔于辜蓋司契之責怨譴彌興  
 寔屢擾之由宜其明郵政刑求人之瘼乃  
 身存誠惠極危塗炭其大赦天下自謀及  
 大逆手煞人以下在今年六月十九日昧  
 爽以前皆赦除之比歲荒儉百姓多弊其  
 自泰元三年以前所餘連租宿責倫減儻  
 耗壹皆蠲除鰥寡獨孤老六疾不能自  
 存者人郵米五斛竅逆未弥壇場多虞經  
 略遠防非衆莫濟哀此式役勞怨未已豈  
 忘宣息方事維艱其夏口戎人年既周各  
 復其本不得以一時克侵遂深以軍名主  
 者明義此詔以為永制又多有死三存沒  
 可憫其下所在各賜其家米十斛人遇疫  
 厲死者家給布二疋於戲百辟羣司並悉  
 心力嘉謀忠告以匡不逮政有不便於人  
 者隨事以聞懋弼諧予一人以懷保于地

庶夫登賢進善有國基趾蘭靜仁惠為政  
 所先斯道既弘誠心是暢庶乎業穀降殷  
 早雲興周

東晉孝武帝大旱恩宥詔一首

制詔頃玄象失度大旱成灾由朕之不德  
 昧于政道雖漫夕惕若厲生以待旦徵咎  
 思渡罔知攸濟自非寬刑省賦惠安百姓  
 庶以仰謝天譴俯塞人責便籌量賑給孤  
 老明察庶獄且可考計郡縣人戶散之  
 數一年內死多必有傷化害政不便於人  
 者各隨局換言得失朕將虛心聽焉法以  
 強宥縱逸權取賊吏蓋當時之宜非絃國  
 之制或因犯事遂適充皂隸雖羣小多愆  
 亦由侵使無方循之刑辟良用憮然其過  
 衡莽一皆散遣縱年限未滿悉還屬所隨  
 才叙用勿拘往制

東晉孝武帝陰陽愆度大赦詔一首

制詔強宥剋弥而經略始事役之勤未  
 及一息加以年不登道殫相望物不獲豫  
 則輕陷刑辟頃玄象告慶水旱不調天人  
 同作有若影響豈將教連冥復之本化乘  
 輦及之德哀矜未善於此故令陰陽愆度  
 於彼非惟茲在予永言增歎思黎允與之  
 更始肇戎革面開其自新洗誠宥罪庶答

天譴其大赦天下

東晉孝武帝玄象告譴大赦詔一首

制詔上德不言而玄化自運豈時有隆夷  
將予之由人邪朕承天位思齊厥百庶存  
誠冥復理順漸至而風教弥隆頃聲弗聞  
玄象違行告譴不已頃雖洗心尅已曾無  
微應動之失理其實在予而歸咎百姓倘  
以刑罰非所以宥元之命對上天之意也  
今元會大享率土同歡和德始布舍生樂  
遂因感蕙懷思令兆庶其大赦天下十年  
以前通租宿責悉蠲除之

東晉安帝玄象告譴大赦詔一首

制詔夫霜露易節歲功遂其序德刑代揮  
哲王凝其宰斯顯仁之至用成務之通軌  
自道謝玄風靡不由之者也朕以寬德弗  
克負荷洪範靈基中墜泉谷幸賴命時并  
建皇極每鑒寐永念三復厥難思弘振王  
道以康惟新之祐而理乖昧始其差或遠  
虛誠未著灾膏已彰頃玄象屢譴於上允  
早矣愆于時凶愚之狡猶或妄作豈餘地  
之未澄將在予之寔臻耶仰懷俯慨良增  
惟疚其大赦天下與之更始謀及大逆手  
致在今年三月十九日以前皆赦除之逋  
租宿負應所除者詳為條制往以年穀荒

文館詞林

儉故禁酒以紓其弊既去捨吉登百姓粗  
給宜導情禮亦不宜久權可還通之

南齊高帝水旱赤度大赦詔一首 王儉  
門下朕君臨區寓於今三載雖風宵黃未  
弗違荒怠而陰陽未調水旱赤度倉廩既  
闕風教多違固定繁政刑靡緝万方之  
過在予一人思弘優澤曷茲更始可大赦  
天下逋租宿責祥所原除

後周宣帝大早恩降詔一首

制詔朕以寬薄昧於政方不能使天地休  
和陰陽調序自春冰夏甘澤未豐既軼西  
郊之難將虧南畝之業興言夕惕無忘鑿  
寐良由德化未敷政刑多所萬方有罪責  
在朕躬思寬德被之率土見罔死罪並  
降徒流罪徒五歲刑以下悉皆原宥其  
及叛惡逆不道及常赦所不免者不在降  
例

陳宣帝辰象愆度大赦詔一首

陳宣帝辰象愆度大赦詔一首  
門下盡冠弗祀萃此澆風擊殺是陷化於  
薄俗朕肅膺寶命迨將一紀思絰邦濟俗  
憂國愛人曰文幼勞夜分輟寢而還淳反  
扑其靡階雍熙盛美莫云能致遂乃鞠許  
之除盈於聽覽春欽之人煩於牢厨成刑  
措漢文新獄杼袖空勞邈焉既遠加以策

忝配徒執我彭汴淮汝崩庶企陞王略肅  
兵摧旅義存採救飛董抗粟征賦頗煩暑  
兩祁寒望忘咨怨蕪宿度乘拜次舍違方  
若曰之誠責紳元首愧心斯積馭朽非懼  
即建子今月微陽初動應此嘉辰宜播寬  
澤可大赦天下

貞觀年中為山東雨水大赦詔一首

門下天地播氣垂生育之德皇王御曆弘  
靈燾之仁故能財成萬類光宅八表朕祖  
奉茲訓嗣守鴻業義百王之季末屬四海  
之彫殘屢興夕惕毋忘也庶尅已勤躬思  
隆改道欲使陰陽順序于戈載戢庶幾前  
烈致茲刑措而山東之地頗年不捨水雨  
為灾飢饉相屬蠶介西戎屢擾邊境事不  
獲已遂勞兵車良由誠未動天德不被物  
與言念此撫已多慙加以流偽尚繁刑典  
仍用雖復留心聽新明懷庶獄常思縲絏  
之中含冤靡訴、所及弗辜致罪一物  
有忍責深在余今歲惟暮春時屬生長宜  
順天布澤與物更新可大赦天下自復觀  
九年三月十六日昧爽以前大辟罪以下  
已發覺未發覺已結正未結正繫囚見徒  
罪無輕重皆赦除之其常赦所不克十惡  
姦言惑衆語及國家情理切害劫賊傷人

故無人謀、、、叛已上道及降无從  
流并流配上道者豈不在赦例



文館詞林卷第百零七

文館詞林卷第六百六十八 詔卅八 赦宥四

中書令太子賓客監修國史弘文館學士上柱國高陽郡開國公臣許敬宗等奉 勅撰

漢哀帝改元大赦詔一首

魏元帝改元大赦詔一首

西晉武帝即位改元大赦詔一首

改元大赦詔一首

東晉元帝即位改元大赦詔一首

改元大赦詔一首

東晉簡文帝即位大赦詔一首

後魏孝文帝改元大赦詔一首

宋孝武帝改元大赦詔一首

南齊高帝即位改元大赦詔一首

南齊廢帝改元大赦詔一首

南齊海陵王即位改元大赦詔一首

南齊明帝即位改元大赦詔一首

改元大赦詔一首

南齊東昏侯改元大赦詔一首

梁武帝即位改元大赦詔一首

改元大赦詔二首

北齊廢帝即位改元大赦詔一首

北齊孝昭帝即位大赦詔一首

北齊武成帝即位改元大赦詔一首

後周明帝即位改元大赦詔一首

陳武帝即位改元大赦詔一首

陳宣帝改元大赦詔一首

隋文帝登祚改元大赦詔一首

改元大赦詔一首

隋煬帝即位改元大赦詔一首

漢哀帝改元大赦詔一首

制詔漢興二百載歷數開元皇天降非才之佑漢國

再獲受命之符朕之符朕之不德曷敢不通夫基事

之元命必與天下自新其大赦天下以建平二年爲

太初元將元年

魏文帝改元大赦詔一首

制詔晉三祖神武聖德應天受祚齊王嗣位肆行非

度轉覆厥德皇太后深惟社稷之重延納宰輔之謀

用替厥位集大命予一人以眇眇之身託于王公之

上夙夜祇畏懼不能嗣守祖宗之大訓恢中典之弘

業戰戰兢兢如臨于谷今羣公卿士股肱之輔四方  
征鎮宣力之佐皆積德累功忠懇帝室庶憑先祖父  
有德之臣左右小子用保人皇家俾朕蒙聞垂拱而  
化蓋聞人君之道德厚伴天地潤澤施四海先之以  
慈愛示之以好惡然後教化行於上兆庶聽於下朕  
雖不德昧于大道思與宇內共臻茲路書不云乎安  
人則惠黎人懷之其大赦改年減乘輿服御後官用  
度及罷尚方御府百工伎巧靡麗無益之物

西晉武帝卽位改元大赦詔一首

張華

制詔御史中丞等替朕皇祖宣王聖哲欽明獲應期  
運熙帝之載肇啓洪基伯考景王執道宣猷緝熙諸  
夏至于皇考文王潛哲光遠允協靈祇應天順人受  
茲明命仁濟于宇宙功格于天地肆魏氏弘鑒于古  
訓儀刑于唐虞嚆咨羣后爰禪大命於朕身予一人  
畏天之命用弗敢違遂登壇于南郊受終于文祖燭  
柴班瑞告類上帝惟朕寡德負荷洪烈允執其中託  
于王公之上以臨君四海惴惴惟懼罔知所濟惟爾  
股肱爪牙之佐文武不貳心之臣乃祖乃父實左右  
我先王以弼寧帝室光隆大業思與萬國共饗休祚  
其大赦天下與之更始自謀反大逆不道已下在命

年十二月七日昧爽以前皆赦除之改咸熙二年爲  
泰始元年賜人爵五級露布天下及諸王公國別使  
稱朕意焉

西晉武帝改元大赦詔一首

制詔蓋至化之本寬以居之仁以行之然後道濟天  
下品物得所朕以不德託於王公之上在位十年不  
能光宣大訓嘉靜萬國吳會僭虐戎夷作害戎者勦  
痺於外百姓劬勞於內加以水旱爲災歲比不登雖  
昧旦兢兢不遑克息未能道德齊禮使羣生獲人斷  
獄歲增人免無耻上古易簡而化成刑輕而姦改仰  
觀在笱何今者不逮之遠哉書不云乎邦之不臧惟  
予一人有逸罰意者豈文教未篤政煩網密故醇樸  
離散以至於此歟思存化本務與四海共興時雍使  
元之人咸得自新其大赦天下改元爲咸寧

東晉元帝卽位改元大赦詔一首

制詔昔我高祖宣皇帝至德應期受天明命立石著  
瑞肇基帝道景皇纂戎文皇扇烈重離宜辟庸蜀稽  
服武皇受終登陟帝位光澤天下九州順軌惠懷多  
難帝主不造夷狄豺狼肆其暴亂京都傾覆宗廟爲  
墟孤悼心失聞靡知所厝繕甲修兵補結天綱將以



雪皇家之恥蕩鯨鯢之害然後謝責象魏歸身藩臣  
生死之志畢矣今百辟卿士億兆之人上陳靈符下  
稱物情同見異戴若影響焉孤善心不廻至于三至  
于四有司固請所守有辭志不可奪孤遍于羣吏之  
議用奉上丞嘗虔祀祖考明告靈神以祗休命今立  
宗廟備百僚所以奉先帝傳晉祚總九牧保生靈也  
惟爾股肱爪牙之佐文武不貳心之臣其各立功立  
事以扶我帝室其與天下蕩滌瑕釁改往自新同率  
子來致天之罰其大赦天下改建興五年爲建武元

東晉元帝改元大赦詔一首

制詔昔我高祖宣皇帝誕應期運廓開皇基景皇帝  
文皇帝奕葉重光緝熙諸夏爰暨武皇帝應天順時  
受茲明命功格天地仁濟宇宙昇平刑措卅餘載矣  
昊天不融降此鞠凶懷帝短折越去王都天禍荐臻  
大行皇帝崩但社稷無奉六合無主肆羣后三司六  
事之人弘鑒古訓刑于典廢疇咨庶尹至于華戎致  
輯大命于朕躬余一人長天之威用弗敢違遂登壇  
南岳受終文祖焚柴頌瑞告類上帝惟朕寡德績戎  
洪緒君臨四海惴惴憂懼若涉川水罔知攸濟惟爾

股肱爪牙之佐文武熊羆不貳心之臣用能宣力四  
方左右我先帝締寧晉室輔余一人思與萬國共同  
休慶其大赦天下改建武二年爲太興元年

東晉簡文帝卽位大赦詔一首

制詔昔王室多故穆哀早崩皇胤夙零神器無寄東  
海王以母弟近屬入纂大統嗣位累年昏闇亂常人  
倫虧喪大禍必及則我祖宗之靈靡知所託皇太后  
深懼皇基時定大計大司馬因順天人協同神略親  
率羣后恭承明命雲霧旣除皇極載清乃顧朕躬仰  
承洪緒雖伊尹之寧殷朝博陸之安漢室弘道委任  
美齊古賢朕以寡德猥居元首司牧羣黎奉主社稷  
永惟先帝受命中原光隆盛業實懼眇然弗克負荷  
戰戰兢兢罔知攸濟思與兆庶革心更始其大赦天  
下大酺五日增文武位二等

此下

文館詞林卷第六百七十 詔四十 赦宥六

中書令李省書監將軍長安縣學士致贈高陽郡開國公許敬宗等奉 勅撰

漢武帝赦詔一首

漢元帝大赦詔一首

魏高貴鄉公大赦詔一首

西晉武帝赦詔一首

東晉成帝大赦詔一首

東晉康帝大赦詔一首

東晉孝武帝大赦詔一首

後魏文成帝恩降詔一首

後魏孝文帝大赦詔一首

宇文帝大赦詔一首

宋孝武帝大赦詔一首

原宥詔一首

南齊武帝原逋負詔一首

南齊明帝大赦詔一首

原逋負及罷省詔一首

梁武帝恩赦詔三首

開恩詔一首

降寬大詔一首

北齊文宣帝大赦詔二首

北齊武成帝大赦詔一首

北齊後主大赦詔一首

後周武帝大赦詔一首

赦齊人被掠為奴婢詔一首

陳武帝宥沈恭家口詔一首

隨文帝免三道送人家口詔一首

大赦詔二首

武德年中中降十二軍眾詔一首

漢武帝赦詔一首

制詔朕聞天地不變不成施化陰陽不變物不暢茂易曰通其變使人不倦詩云九變復實知言之選朕

嘉唐虞而樂殷周據舊以鑒新其赦天下與人更始

諸逋負及辭訟在孝景三年前皆勿聽理

漢元帝大赦詔一首

制詔蓋聞唐虞象刑而人不犯殷周行法而姦宥服

今朕獲承高祖之洪業託公侯之上夙夜戰慄永惟

百姓之急未嘗有忘焉然而陰陽未調三光晦昧元

々大困流散道路盜賊並興有司又長殘賊失牧人

之術是皆朕之不明政有所虧咎至于此朕甚自恥

為人父母若是之薄謂百姓何其大赦天下賜人爵

一級

魏高貴鄉公大赦詔一首

晉張華

制詔蓋至化寬以服人太上仁以懷物以寬故能含  
載無方唯仁故能容養萬類芘體元：加勿踐之恩  
蚺翽喘：蒙弛罟之德議獄緩死而衆生遂其性青  
灾肆赦而萬邦荷其惠此雷雨所以著象聖明所以  
播德也朕以冲昧獲統天位不明于訓而託公王之  
上章賴先相國晉王匡濟之勲自夏徂荒遠無不化  
相國晉王嗣業承緒勉明炤于四方仁風聲被六合  
旁靡黎儀億兆日新厥志朕嘉使百姓屬精自肅以  
承首化其大赦天下自謀反大逆以下已發覺未發  
繫囚見徒坐過謫野禁錮奪學在今年月日昧爽已  
前皆悉赦除之亡失官物及負官責逋久一切亡叛  
人赦書到後百日不自出復罪如初敢以赦前事相  
告言皆以其罪之之主者具為詔普告天下咸使聞  
知稱朕意焉

西晉武帝赦詔一首

張華

制詔居德厚以濟物清刑罰以服耻此皇羲無象所  
以使羣生逸豫也御俗者必先以敬讓導德禘礼然  
復億兆知方有恥且格三代令主唯茲為務故刑厝  
不用大化咸和區：漢文猶斷獄四百而當今德義  
不陳獄刑峻密吾既不能寬以居之莅事之吏又不  
能以仁恕求中競爭錐刃之末刻木為吏人猶懼之  
望四海夷泰与古昔同風此為却行而求及前人也

每覽斷獄之妻居下訟上之訟未嘗不惻然悼心昔  
漢相曹參以獄市為寄欲使奸有所容彼豈愛奸人  
乎蓋哀其皆可化之耻也今六合同軌夙夜兢：思  
茂建皇極以清其源聞乎大理未知厥路何由且願  
令庶隸免一切之患徐与羣賢共濟其弊其赦天下  
流宥遠方者皆原之殺人者人之大害互以殺心殺  
又諸以凶醜父母親戚所侵及犯罪徒邊者不從此  
令其申勅有司所以將順厥政輔其不逮宰輔懷曹  
泰之仁司理守于張之正二千石長吏謹以文教惠  
綏百姓庶使萬邦黎蒸各得其所稱朕意焉

東晉成帝大赦詔一首

制詔自中興以來或有艱難而君臣道隆是以雖夷  
險有時而政道無虧去年以來三公頻喪為國之基  
於此殄悴豈朕之不德將時運之否哀傷惻悵不忘  
于懷且政刑之弊或有煩濫宜見蕩滌其大赦天下

東晉康帝大赦詔一首

制詔先王統俗因時適會運有隆夷故應務殊軌至  
於派仁惠以陶物崇易簡以臨下開古今而不遷者  
其道一矣朕以寬德攝當大重不能暢福靈和蠲照  
庶曠水旱失度頻歲不登風教陵遲刑網滋彰雖否  
運將泰中原漸一梁岷釋甲南夷稽服然河朔蕭條  
王澤未浹關右阻貳遺黎塗炭戎車野次役務繁興

征夫勤悴於外百姓勞弊于內每夙夜憂懼如臨川谷思典章后求人之瘼使元之命咸得自新其大赦天下

東晉孝武帝大赦詔一首

制詔夫百王雖殊尊本則一首物開統貫自孝敬國繫帝而天人和道高而万物順三代所以不言而被感極通神者一而已矣朕賴社稷之靈嗣哲洪業帝維遠廓天衢開夷故霜風晨拂則園陵蕭清黎庶忘勞則七廟增峻方國觀惟新之盛播紳觀裸薦之容宜酬情於九有暢大慶於普天且五緯錯序風教靡聞導達之本仁功未遠政刑之平人未忘怨豈惟物之多僻抑亦司典不明朕用鑿寐永歎慨然傷懷夫三才同本通其契者得一祗誠理氣會其極者仁恕矜而宥之感遠自迹讖獄緩死象和德而布澤灑蕩枯落拂宇宙而咸新其大赦天下永嘉妖賊恣可原遺通租宿責一皆除之

後魏文成帝恩降詔一首

門下朕以眇身纂承大業懼不能宣慈惠和寧濟萬寓夙夜兢若臨川谷然即位以來百姓晏安風雨順序邊方無事衆瑞魚呈不可稱數又於苑內獲方寸玉印其文曰子孫長壽群公卿士咸曰休哉豈朕一人克臻斯應實由天地祖宗降祐之所致也思與

兆庶共茲嘉慶其令大酺三日諸殊死已下各降罪一等

後魏孝文帝大赦詔一首

門下飛宿澄天表懸象之光列嶽崇地著神區之寶故微辰闡中玄圖敞朗嵩室鎮極赤縣彬今耀昊凝以保生真宰輝黃而首唱苔子靈功之在茲洪化之所由矣今元斬秀洛壘懸鏡澗日月凝光寒暑交蔚冥化與陰陽齊和人風隨天地俱合日止日時律唯黃鍾萌春潛陟乾云微顯禘天圓頂度祖地丘百神受職千靈昭享皇依委而下顧萌繇繇以仰祐幽明忽恍神人雜沓者哉朕德匪上皇道慙中叡謀鍾定鼎運臻升中一昨奉記暫登太儀徒步雲峯振玉風巖望闔闔而聳氣振辰階以娛衿弗知何德可以尔乎思與地獻共斯嘉祐且天元之後方務方新宜開太始章厥猷端可大赦天下與人肇始諸謀反大逆外叛殺人殊死已下已發覺未發覺繫囚禁錮自太和十九年十一月十九日長至昧爽已前一切原除逋負租調官物違限者自此年正月已前悉聽與人有司詳准舊式備為條格既與方邑具創風澤宜各濯心日新厥政咸相申告攝朕意焉

宋文帝大赦詔一首

門下蓋聞遊拱巖廊可以為政象刑而化天下弗犯

朕雖虛薄情在昧旦樂與賢共弘政道而德不逮  
乎明不燭物致朝野之才多遺庶官之用未盡陰陽  
屢九旱滂成灾軒臣蔽福遂圖潛結加戎狄侵邊害  
流黎庶頻歲師旅行徭未息宵言永念愧悼于懷今  
方隅已清衆役監晏互脩其本以祛往弊崇恩宥過  
惠此億兆可大赦天下并宣下內外明慎司戮力  
竭誠無或怠逸稱朕意焉

宋孝武帝大赦詔一首

門下歲慶幸新播燎肅展耕宜務本教以富立朕式  
應協風躬藉三推仰供黍盛俯訓億兆庶困庾克衍  
人和禮興頃天地並既神祇同愛肅慎楛矢浮溟來  
獻西極珍騏涉沙作貢三茅躍寶五靈景祥維德弗  
明震乎瑞物思上卷軋錫下教慶澤可大赦天下尚  
方長繁及逋租借貴大明元年前一皆原除力田  
之人隨才叙用孝悌義順賜爵一級孤老貧疾人教  
十斛藉田職司優量需費今歲東作或乏糧種隨宜  
貸給長吏親人宣勸異等者詳加褒進

宋孝武帝原宥詔一首

門下昔姬道方凝刑法斯厝漢德初明犴圍用簡良  
由上一其道下溥其性今人澆俗薄誠淺傷深重以  
宣德弗能正化故知方者鈔趣辟寔驚向因巡覽見  
二尚方徒隸纏金履校既有矜傷加國慶人和獨隔

凱澤益以愍焉可詳所原宥

南齊武帝原逋負詔一首

門下自律變鍾然氣移靈華清華謝德日月還輝朕  
垂冕中朝肅承靈命求瘼待具動慮分宵雖或賦平  
餘救之俗弊議獄考官暢茲毗贊而運革惟尤時殷  
澆暮四毗或阻九稔未儲興言以念有疚懷凡兀厥  
率土自建元以來所負府庫金穀悉原不替庶以知  
祭厚於游覽均蒜粟於水火

南齊明帝大赦詔一首

徐孝嗣

門下夫三辟興於標季十失在乎嚴刑張弛之宜此  
爲攸急朕靖鑒中皇子茲五載方冊日陳前圖靡墜  
廢恥未期固訟猶廣邦之不減寤寐矜歎今陽和用  
事品物成新宜重地庶與之更始可大赦天下逋租  
宿債在四年之前悉皆原除

南齊明帝原逋負及罷省詔一首

徐孝嗣

門下朕以宣薄嗣膺寶統對越靈命欽若前圖思所  
以敬守成規拱揖羣后而哀荒在日有懼大猷慮軼  
納隍兢逾待且旦宸居惟始八表觀風宜育德振人  
光昭唐軌凡逋三調及衆責負在今十一年七月卅  
日以前悉同蠲除其備償封籍而貸費未集亦皆還  
主御府諸署池田邱治興廢治事本施一時於今無  
用詳所罷省公宜權禁壹以還人開市征稅務從優

咸主者量為條格

梁武帝恩赦詔三首

沈約

門下朕受天明命光宅區宇仰調六漢旁詔百神日  
吳劬勞于今三載矣雖靜言宣室留心聽斷而九服  
遐阻四聽靡違恩未被毗化闕覃遠不能以仁義浸  
澆禮讓甄陶觸觸入刑誠非外至致茲閭閻淺抑有由  
然獄書日聞於愷坐弊罪相係于園室陷之在余良  
以多愧宜知愷澤昭被率土可大赦天下

門下先天而天不違復天而奉天時然後可受金策  
於龍圖應寶命於天位與二儀而同運一六合而光  
宅書不云乎皇天無親惟德是輔人心無常惟惠是  
懷朕承百王之後當万乘之尊不能使青雲呈瑞白  
環表祥道被域中守在海外無因布政空荷重負幽  
憂未除精華已竭豈宜再臨太階重辱神器方欲饒  
心任杖歸老邱壑迫以羣臣之請隨万姓之心懷乎  
夕惕坐以待旦思俾地咸與惟新可大赦天下其逐  
食流移犯事逃亡並聽還復本業蠲課三年流徙清  
議禁錮奪勞亦同寬釋在位羣臣宿衛文武邊疆武  
咸有劬勞普賚一階孝悌力田為父後者賜爵一

級

門下朕昧且劬勞慮切人命哀矜之情徒積漸赦之  
功闕然徒善知義未臻乎比屋弊罪漸刑猶勤於聽

覽頤已備哀良以多愧興言重辟思加令免凡死罪  
已爾錄特令生命止付治署若罪應入死而逃叛未  
禽可開恩五十日並聽自首不問往罪是公家役限  
令各覓處自効遠近適意是其家口應坐質論迹從  
原宥

梁武帝開恩詔一首

徐勉

門下夫樂所自生含識之常性厚下安宅馭俗之通  
規朕矜此庶甦無忌待且亟弘生聚之略每布寬恤  
之恩而編戶未滋遷徙尚有輕去故鄉豈其本志資  
業殆闕自反莫由粟南之心亦何能獨今開元發歲  
品物惟新恩俾黔黎各安舊所將使居無曠土邑靡  
游人難犬相聞桑柘交畷凡天下之人有流移他境  
在今天監十七年正月一日以前可開恩半歲悉聽  
還本蠲課三年其流寓過遠者量加程日若有不樂  
遷者即使藉為伍准舊課輸若流移之後本鄉無復  
居宅者村司三老及餘親屬即為詣縣占請村內官  
宅令相容受使戀本者還有所託凡坐為市埽諸職  
割盜竊減應被封籍者其田宅車牛是其生之具  
不得悉以沒入皆優量分留使得自止其商賈富室  
亦不得頓相兼併遁叛之身罪無輕重並許首出還  
復人伍若有拘限自還本役可明為條格咸使聞知  
梁武帝降寬大詔一首

徐勉

門下朕矜此下人鑿寤興想赦過之令氣序相辱而罕識愚人尚多犯法思同雷雨降茲寬大凡劫賊未擒及結正餘口未擒者悉聽詣所在自首還復人伍或犯死罪而家人非從坐者亦聽遣質依前許首若罪應入重而不預權制可特原死依權制補過經亡叛隱匿賀襲巧注皆許首正女丁質擊權悉散遣其割盜亡失守責違負家丁質駐同聽權散許自輸送凡前諸科成開恩百日今九年以前三調逋餘非列單限州郡精加檢括審在人間未入官者並聽停督主者詳為條格施行

北齊文宣帝大赦詔二首

魏收

門下朕實應天命棟峇上靈入坐青蒲出居黃屋永懷政術無忘化本文武兼運賞罰俱行用恢九道是室方國玄穹孔鑿諸神效祀寶圖已協王燭無違所

運往者印山頰川諸有勝捷秦中將士久見俘囚比加寬貸有涖料免義在申恩非要用而感德奮身効立攻討圖勞命賞並出優洽自餘拘禁未從需然雖求非慕義而事由馭過原心略迹在可哀矜既涅成群品舍養庶類本存覆燻何論彼此苟曰非所是用傷惻又率土之廣黔黎之衆形肖天地氣稟陰陽宰宰吏使致虧享毒有一於此良所寤歎今三方大定闕隴未夷謀夫展策以抑揚猛士效勇而慷慨方介馬出車蕩刷逋醜鼓行而趨涇渭指畫而掩爪涼思流惠區中加仁域外明雷雨之義開造育之始可大赦天下自天保七年七月廿六日昧爽以前赤手殺人繫囚見徒悉皆原免

門下兩儀言大以生為德四時之信仁實為首朕撫茲典運尊居域中協契神祇冥心造育以至道弘濟義不獨善慈惠所在形有俱逮是故齊居深念志先含養根蟻蠅思無天閉一物非所常以惻然欲令品庶咸得其性雖區寓穆清朝野望蠲風雨調節日月光華雖休勿休無忘夕惕尚恐下情未達上聽不廣更垂其道入致怨侵疾苦或存恩意猶隔俾我中懷未宣率土子育默首能不伊慨赭衣艾鞶齊德導禮通之有術夫復何難又以江東旅拒年代淹積慕義畏威交臂藩款曠日匪咄咸為臣妾秦隴逋誅久

穢闢輔天篤其禍魁蔽先凶更相翦害胤嗣孤弱表  
 叛親離莫不解體方六師雷動伐罪弔配廓周漢之  
 舊墟奄慈沙而為一將使億兆同欣王略無外恩既  
 以捨過宥罪持綱解目蕩滌宇控叶暢時和凡百食  
 毛賜其更始可大赦天下自天保九年四月十九日  
 昧爽已前赤手殺人繫囚見徒悉皆原免孝子順孫  
 義夫節婦道著丘園者標其門閭侯藏軍器亡命山  
 澤百日不伏首者復罪如初敢以赦前事相告言者  
 以其罪之赦書日行七百里

北齊武成帝大赦詔一首

魏收

門下齊應天府會昌神道代及握紀臨臨萬方朕以  
 宣德對揚靈命將茲大業作君四海永言丕緒夙夜  
 惟寅昔高邑成禮警昌正位受圖館壘仍晉之陽冬  
 序告終六龍啓路元春獻吉欽著前典緝懼紫壇配  
 聖尊極清廟大官升食合祖協時展事成序幽明陞  
 降薦享寔深感暢加以百辟庶寮執斯故實奉深王  
 曾屢聞聽覽釐此陰教固本少陽百王尋範事非揚  
 抱俯從群請俱正其位願以虛薄允答天休王度國  
 章人神以恆猥居人上子育率土思蕃堯舜乎此太  
 階今方隅肅然中外一體股肱瓜牙心如鐵石謀猷  
 折衝穡我風化陽煦云始庶品方作順天禧澤今也  
 其時蕩刷瑕穢混清區宇与物更始無恩不洽可大

赦天下自大寧二年正月十八日昧爽已前謀反大  
 逆已發覺未發覺赤手殺人繫囚見徒及長徒之身  
 悉從原免流徙邊方未至前所者並亦聽還清議菜  
 綱及七品已上犯奸盜之徒亦在原限九州職人並  
 進二級內外文武百官並進一級亡官失爵復其資  
 品凡諸賦稅懸在人间及逋租懸調負貸官財主掌  
 自盜亦皆勿徵諸為父後者賜爵一級

北齊後主大赦詔一首

魏收

門下昊天不弔降茲大禍大行太上皇帝委弄率土  
 屏遐奄及攀號永慕上下崩殞仰惟誕聖應期乘推  
 在運尊居宸極大濟區寰無日月之明灑雲雨之澤  
 百神奉職千齡云在三才允穆万代一時雷震再致  
 罔不奔走舟車混會九域歸仰禮以正朝樂以移俗  
 有感咸遠日用不知天平地成何思何慮神遊物外  
 為而弗有言訪崆峒且眷姑射悠悠然獨遠糶執堯  
 牢籠遂古無得而稱朕以虛宣夙承寶曆騰下過庭  
 同極空輪精誠罕鑿茶蔡遂臻永惟窮妻泣血靡告  
 惟我瓜牙心腹不二之臣體國銜哀義百恒品億兆  
 蒼生宿賴矜貸若喪考妣事切唐人仰惟先旨深慈  
 廣洽宜宣弘施被以餘恩惠及困圍且濳瑕穢可大  
 赦天下自天統四年十二月十五日昧爽已前謀反  
 大逆已發覺未發覺赤手殺人繫囚見徒長徒之身



一切原免流徙邊方未至前所悉亦聽還九州職人  
普加四級內外百官並加兩級亡官失爵悉復資品  
天統三年以前凡諸賦稅應在人間及道租懸調一  
以原免其常赦所不免者不在赦例

後周武帝大赦詔一首

制詔人生而靜純懿之性本均感物而遷嗜欲之情  
斯起雖復雲鳥殊代文質異時莫不以隱防示之  
禁令朕君臨萬寓覆養黎元思振綱綱納之軌式比  
囚人有犯與衆弄之所在群官有愆過者咸懸首露  
莫不輕重畢陳纖毫無隱斯則風行草偃從化無違  
導德齊禮庶幾可致但上失其道有自來矣陵夷之  
弊反本無由宜加蕩滌與人更始可大赦天下

後周武帝赦齊人被掠為奴婢詔一首

制詔無侮梵獨事顯前書哀彼矜人惠流往訓偽齊  
末政昏虐宣警災甚稽天毒流比屋無罪無辜係虜  
三軍之手不飲不食僵仆九達之間朕為人父母職  
養黎庶念甚泣辜誠深罪已除其苛政事屬改張宜  
加寬宥無行振郵自偽武平三年以來河南諸州之  
人偽齊被掠為奴婢者不同官私並宜放免其住在  
淮南者亦即聽還願住淮北者可隨便安置其有瘞  
殘孤老飢餓絕食不能自在者仰刺史守令及親人  
長司躬自檢校無親屬者在給其衣食務使存濟

陳武帝宥沈恭家口詔一首

徐陵

門下罰不及嗣自古通典罪疑惟輕布在方策沈恭  
友覆無行遐迹所知昔有微功仍荷朝寄割符名郡  
推轂累藩漢口班師還居方岳良田逾於四百食容  
非止三千富貴榮華政當如此鬼害其盈天奪之魄  
無故猖狂自投穢醜雖復知人則哲惟帝其難光武  
有敝於龐萌魏武不知於于禁但令朝廷無我負人  
其部曲妻兒各令復黨在取及軍人若有恐脅侵掠  
者皆以劫論若有男女口為人所藏並許詣臺申訴  
隨文帝免三道送人家口詔一首 李德林

尉迴改扈鄴城吞六國之半司馬消難趙趙安陸合  
三吳之從王謙割據崑崙城稱兵內憂並鴟豕食蠅  
起狼鷺士庶相憂儻豎非遠朕昔當朝宰任專征伐  
每簡將帥適出兵車憑上天之靈藉羣才之力干戈  
所及雲除席卷諸將慷慨燕之心執法守鷹鷂之志  
奮疾雷之怒行嚴霜之誅送亂家口咸充賞物論此  
三山前朝貴任各慈藩鎮俱有威權搖盪三方擁逼  
地庶元謀同惡其數無幾自餘則在其同羅皆被迫  
脅形同醜類事非本心親戚因之長為賤隸同國境  
之內共聲教之下或良善親通或衣冠血屬邑屋衆  
棹舉目弗違男曰人奴女為人婢其為憂歎何止向

隔同感性靈咸相愍念况朕受天明命為其父母有  
一於此情深納隍誠欲盡滌蕪瑕悉以原宥但今配  
之日折物賞數差而奪之功臣或恐其後尉司馬  
消難王謙作逞非元謀之家良口配動人見為奴婢  
若有家人親舊依本折物之直贖者聽之若無家人  
親舊有口之人宜具錄文簿即上尚書官為酬贖庶  
使有功獲賞不失王者之信有罪見恤概示哀矜之  
情

隋文帝大赦詔二首

薛道衡

門下朕肇開寶運君臨區宇承千戈之後當澆弊之  
俗思欲代刑以德改薄歸薄使人識廉恥家興禮讓  
雖遷善之毗十室變九而不移之性莫能盡並憲綱  
由其未輟固圜所以尚存每臨朝聽政法司奏獄惻  
愴不怡終夕忘寐願惟薄德感物未弘責實存子興  
言慙惕今各律已窮陽和方始宜申惠澤咸使更新  
自開皇七年十二月一日已前犯罪之徒宜依前件  
門下春生夏養天地之大德解網泣辜聖人之明訓  
朕恭膺寶命極臨四海永懷亂之後當凋弊之辰憂  
勞庶務不遑寢食夜思政道坐以待旦欲使人皆從  
化家慈惠善禮讓興行刑罰勿用而德慙感物道有  
未弘致使困圜尚存憲網不息每法司敷奏言及刑  
名念彼薄風良深愧歎時惟開歲陽和載始宜順天

布澤與物更新可大赦天下自開皇十九年正月七  
日昧爽已前大辟罪已下已發露未發露繫囚徒  
悉從原放

武德年中曲降十二軍界詔一首

門下朕膺錄受圖君臨區宇承凋弊之餘俗極黎元  
於塗炭夕惕思又日盱忘勞每念粟帛不豐人多匱  
乏干戈未戢獄犴猶繁納隍之慮無忘寢食然而神  
泉與區京畿依在四方輻湊之所萬國朝宗之地項  
年薄伐師旅荐興行役轉輸不遑靈息加以往因喪  
亂條章廢下赦



文館詞林卷第六百九十一

中書令李善書孫南史命文館學士杜國內陽郡開國公臣許敬宗等奉

勅

誠勵

漢武帝責楊僕勅一首

西晉武帝戒州牧刺史勅一首

滅牙門勅一首

滅計吏勅一首

滅郡國上計掾史選各告守相勅一首

宋文帝與彭城王義康勅一首

梁武帝與劉孝綽勅一首

命百官聽採勅一首

隨文帝答蜀王勅書一首

貞觀年中與李玄明勅一首

與于乾長勅一首

貢舉  
北齊武成帝舉士勅一首

隨文帝令山東三十四州刺史舉人勅一首

除授

北齊武成帝除崔士順散騎侍郎勅一首

命婁道遜兼正負迎陳使勅一首

除潘子義持書張謁之殿中侍御史勅一首

除源那延持書房昭太守勅一首

除奚瓊等太守勅一首

除盧景開太守等勅一首

北齊後主除崔孝緒等太守長史勅一首

起復邢恕屯田郎勅一首

除李遵等官勅一首

除并州沙門統寺勅一首

除僧慧釐冀州沙門都維那勅一首

貞觀年中授杜如晦等別檢校官勅一首

命房玄齡檢校禮部尚書勅一首

黜免

隨文帝解石孝義等官勅一首

免常明官爵勅一首

免馬仲任官爵勅一首

臣敬宗等謹案勅者正也書稱勅天之命其名蓋取

此也周穆王命鄧父受勅憲即其事也漢責楊僕其

文尤著今歷採史籍以備勅部

誠勵

漢武帝責楊僕勅一首

勅將軍之功獨有先破石門尋陘非有斬將塞旗之

實也烏足以驕人哉前破番禺捕降者以為虜掘死

人以為獲是一過也建德呂嘉逆罪不容於天下將

軍擁精兵不窮追超然以東越為援是二過也士卒  
暴露連歲朕為朝會不置酒將軍不念其勤勞而造  
佞巧請乘傳行塞因用歸家懷銀黃垂三組夸鄉里  
是三過也失期內顧以道惡為解失算；之序是四  
過也欲請蜀刀問賈幾何對曰率數百武庫日出兵  
而陽不知挾偽于君是五過也受詔不至蘭池官明  
日又不對假令將軍之吏問之不對令之不從其罪  
何如推此心以在外江海之間可得信乎今東越深  
入將軍能率衆以掩過不

西晉武帝戒州牧刺史勅一首

勅夫興化濟功俾官守業朝夕日新者其要在於董  
司也刺史銜命方州無總戎政宣風于外儀表萬里  
宜直道正身軋率諸下彰明禮教陳之德義揚權清  
濁彈枉流穢當令舉善而士高其行去惡而百城震  
肅斯其所以賦任而簡于朕心况慶賞乎若乃不祇  
厥司不虔于度綱弛事荒吐茹違中公節不立私交  
是務則將墮于乃績害于尔家豈惟陵夷有疚王事  
無違于柔無復于剛無刺以傷物無寬以漏非無愆  
于酒德無盤于遊田其詳案科條風夜無怠誠之狀  
勅靜以聞

西晉武帝戒牙門勅一首

勅將者國之捍城人之障衛是以古者難其人以尔

忠壯果烈武堪偏率故授牙旗之任當敬承所稟唯  
命是校撫循士卒著扶鑕之恩整軍齊衆立難犯之  
威無挑功害能無清謁受財無見利忘義無勇而為  
暴赴；武夫詩稱所以為美臨戎不殺春秋所以著  
戒尔其慎之勅靜數以聞

西晉武帝戒計吏勅一首

勅頃者年穀不登朕用夙興屢寐未常餘遣夫陰陽  
不和水旱不時此朕之不德也若乃地利人事或有  
未盡是誰之過與郡國守相各以賢材莅官百姓不  
足將何以上稱朕意下濟黎庶耶諸應課田為盡力  
尚畝不在軍休假者為皆勦力親農與父兄伯叔同  
其勤勞不彙右貴戚役細人以損農作不凡如此類  
及逐末捨本遊食商販之徒守人蠹惠王政之所禁  
也二千石長吏不以此為憂朕將誰與為化掾史皆  
服朕本郡奉計於王朝故親喻意還各使守相如此  
指明察屬城對身以率之亦有申勅監司峻明其法  
如怠慢國憲不念恤功于人將議事制法豈任常刑  
而已哉可不勉與

西晉武帝戒郡國上計掾史還各告守相勅一首

勅夫興化之道有常而化成之功相背由於司牧所  
脩之務異也二千石剖符于外賦政千里宜直道正  
身以清簡為先殺崇教本明慎用刑納之軌物訓之

義方除其灾害阜其財求使安土樂業而禮讓與焉  
若乃寬猛失中人散政荒交私事未釋實修名匪唯  
茲損流於百姓國有黜陟其將從之無日不顯勿謂  
不聞虛心候且聽四方之政刑其明宜詔喻言使咸  
知朕意

宋文帝與彭城王義康勅一首

皇帝敬問彭城王禮賢下士聖人垂訓者侈矜尚先  
哲所去豁達大度漢祖之德猜忌褊急魏武之累漢  
書稱衛青云大將軍遇士大夫以禮與小人有恩西  
門安于錫性同異關羽張飛偏任俱弊行已舉事當  
深鑒此西楚殷廣宜勤接對府舍池堂無求改作訊  
獄決當擇善從之不可專意自決凡左右所陳不可  
洩漏或相讒謗勿輕信受每有此事宜善察之官爵  
賜典尤應裁量吾於左右雖曰少恩如聞外論不謂  
為非聲樂嬉遊不宜令過蒲酒漁獵一切勿為供奉  
一身皆令有度奇服異器慎不可興宜與佐吏為數  
不數則不親不親則視聽不博於言事者不得自盡  
皆急務也尔其慎諸

梁武帝與劉孝綽勅一首

吾君臨區寓於茲五載日具劬勞亦已極矣但四方  
遐曠九重深隔離寤寐在心餐寢為慮刑政人虞無  
由悉知本非憚勤勞但困而不舉今使卿分掌州事

如前庶必共盡心力憂國如己凡事前雖輕未累恒  
重不得謂是小闕情而不言致成後患為弊不淺時  
人多尚榮利不恤公家潤存於身則深以為念事在  
朝廷則不關懷抱此豈設官分任授受之義哉今有  
此勅宜置之坐右題之机案勅止尋閱常以在懷不  
得謂為恒事旋復訛息有司直筆良史執簡至公無  
私可不嘉歟

梁武帝命百官聽採勅一首

吾未明求衣夜分不寐劬勞政道於斯已極但九重  
深隔四方曠遠入政之靈察未悉知明目遠聽屬在  
匡翼自今若近若遠動靜事要宜聞之朝廷者可知  
以採聽有所聞見隨事標落若一月之中都無所聞  
則每來月之朔亦啓云無事同休等感期寄斯在想  
深存憂國副其往意

隨文帝答蜀王勅書一首

省表具意我為天下父母子養黎元分命藩牧親賢  
並任欲使允黔首之望副上天之心謂汝地居臣子  
情兼家國所以康蜀要重委汝鎮之汝乃奢僭驕溢  
上慢下暴懷惡染禍于紀亂常酷虐良家姪於草莽  
誅戮無罪毒甚豺狼唯縱邪心不憚正法論媚附已  
則榮賞以悅情正直奉公則陰殺以滅口欺君欺父  
不子不臣乃私立關剗密防行路盜置郵驛陰訪京

師瞬眈二宮佗觀災爨伺察內外希望艱危乃親受  
所踈離間骨肉容納不逞結構異端妄傳大風板樹  
虎稱日鬪見血本無天漜乃云眼見本無天狗遶道  
耳聞或言狐不畏人來犯禁衛或言狗斬兩段更立  
而號我有小小不和汝伺覘之人即往報汝聞便有  
異志望我不起皇太子汝兄也令人遠覘心冀不祥  
假託妖言乃云不終其位妄稱鬼恠又道不得入宮  
斬而揚州即刺必厄四月饒患微氣乃證鬼病難除  
自外妖訛千端萬緒汝每聞之喜形於色汝復自言  
骨相非是人臣自言德業又堪承重道清城出聖  
欲以己當詐稱益州見龍亢言吉兆於是重述木易  
之姓更修成都之宮妄說未乃之名以當八千之運  
橫生京師妖異以灌父兄之災妄造蜀地徵祥以符  
己身之籙汝豈不欲得國家惠也天下亂也遂懷內  
侮之心欲向罪君側豫造京師之機成於汝手密求  
惡毒之藥驗在使人輒造白王之斑又造白羽之箭  
文物服飾豈似有君苟欲圖之無所不至乃多集左  
道之徒信用巫蠱之說道人道士備盡妖邪咒詛名  
川皆令符書鎮壓漢王於親則弟也乃書其形像書  
其姓名縛手釘心枷鎖枷械仍云請西岳華山慈父  
聖母神兵九億萬騎叔揚諒魂神閉在華山下勿令  
散蕩我之於汝親則父也復云請西岳華山神父聖

母賜為開化楊堅夫妻迴心歡喜又畫我形像縛手  
撮頭仍云請西岳華山神兵收楊堅魂魄豈有為人  
臣子作如此形狀今謂汝非人也我不應生非人之  
子謂汝是人也汝所為復不似人乃天地之所不容  
人倫之所未見我今不知楊諒是汝何親不知楊堅  
是汝何親不知楊堅之妻復是汝何親若星汝父母  
也汝不應如此惡逆若非汝父母也汝復何從而生  
我心想此事尚不忍及汝有何情頓至於此汝表云  
孤窮之切者汝若有父有母有孤有窮觀此行懷不  
似有父不似有母知有何孤知有何窮然父子君臣  
人倫最重汝乃君父之尊恩義並滅臣子之道愛敬  
俱淪遂苞藏凶惡圖謀不軌逆臣之跡也是汝不誠  
希父之災以為身幸賊子之心也是汝不孝懷非分  
之望肆毒心於兄悖弟之行也是汝不順嫉妬於弟  
無惡不為滅孔懷之情也是汝不睦建國養人法令  
為本汝壞亂之極也是汝不畏縱其毒螫多殺不辜  
豺狼之暴也是汝不道剝削黎庶窮其妻子酷虐之  
甚也是汝不仁不務道德唯求財貨市井之業也是  
汝不恥違弃正理專求妖邪種詛之事也是汝不肖  
父為基業子弗負荷不材之器也是汝自弃凡此十  
者滅天理逆人倫汝皆為之不祥之甚欲免以患禍  
長守富貴其可得乎孔子曰孝無終始而患不及者

未之有也今日於汝方復見之汝表又云乞見瓜子者豈非父子之道天性也慈愛之心難奪也欲知我及我婦在日愛念於汝如汝之愛念瓜子也但父子之道私也君臣之義公也不可以私廢公聖人之教也我上為宗廟社稷下為四海百姓故割此小愛以全大愛割此小慈以全大慈周公言鷓鴣鷓鴣既取我子毋毀我巢此之謂也然邪臣惡子自古有之不謂今日近出於我晝夜憤歎廢寢與食實亦慙愧幽明豈直朝野而已汝若有心可思審此勅也

貞觀年中與李玄明勅一首

勅交州都督府長史李玄明交

文館詞林卷第六百九十一

貞觀年中與于軋長勅一首

勅交州都督府司馬于軋長交州重鎮控馭夷夏二佐之任不另其人遂安公壽雖是宗室近親未經賦務須相匡弼共行善道間卿乃背公向私雅存諂媚非理之事動必贊成奉法之人即共排毀彼都督府長史李玄明居官清慎每存正直卿與都督疾之若讎計卿此情難可容恕但以遠道察訪恐未詳審所以不即加罪更令委訪卿宜自勉勵改往修來若此行不除必無縱捨之理宜知

貢舉

北齊武成帝舉士勅一首

太上皇帝勅旨設官分職唯賢  
是寄調俗恤人於斯爲切自非  
在朝群彥各舉所知何以載康  
政術永隆邦化今重明薦法具  
如前件理有存焉庶可如益並  
宜妙盡拔茅式諧念議勿致差  
違自貽贖負付外便施行

隋文帝令山東世州刺史舉人勅一首

勅某官某甲君臨天下所須者  
材苟不求材何以爲化自周平  
東夏每遣搜揚彼州俊人多未  
應起或以東西舊隔情猶自踈

或以道路懸遠慮有因之假爲  
辭託不肯入朝如能任者皆得  
榮位況伏草萊尚爲前伍此則  
應目下之利忘久長之策刻吏  
守令典取人情未思此理任而  
不送朕受天命四海爲家關東  
關西本無差異必有材用來即  
銓叙虛心待之猶飢思食彼州  
如有任齊七品已上官及州郡  
縣卿望縣切曹已上不問在任  
下代材幹優長堪時事者仰精  
選舉之縱未經仕官材望灼然  
雖仰望不高人材卓異悉在舉  
限或舊有聲績今實老病或經



限或舊有聲績今實老病或經  
犯贓貨枉法之罪並不在舉例  
凡所舉者必為三番具錄官歷  
家狀戶屬姓名送尚書吏部曹  
第一番二月廿五日仰身到洛  
陽受河南道行臺吏部曹進心  
第二番待裝束備辦令向京師  
受吏部曹覆必並仰心職主簿  
將典送之第三番且使在家別  
聽約勅令令舉送宜存心簡選  
送名之後朕別遣訪問若使被  
舉之人有不及不舉者罪歸於  
公等更不干餘等官司公等宜  
將朕此勅宣示於人令知朕意

此事專委於公等必不待監薦  
復勿使失材也旨宣此懷不復  
多及

除授

於齋武帝除崔士順散騎侍郎勅旨

太上皇帝勅旨龍驤將軍考功  
郎中崔士順誠懷溫正詞藝清  
華入陪輿輦時談允屬可散騎  
侍郎仍郎中將軍如故

於齋武帝命婁道憐兼正貢迎陳使勅旨

太上皇帝勅旨伏波將軍侍御  
史前大尉府中兵叅軍事婁道  
孫理識溫敏詞藝清華迎勞遠  
賓僉論斯在可兼散騎侍郎至

境道迎接陳使

北齊武帝除潘子義持書表謁之齊御史勅一首

太上皇帝勅旨隨材授任抑有

前規通直散騎常侍判東平王

開府中郎事潘子義往毗臺務

切績無爽龍驤將軍檢校御史

裴謁之恪居職事堅貞可錄攝

官優秩僉論攸歸子義可以本

官領兼持書侍御史謁之可殿

中侍御史將軍如故

北齊武帝除源郡延持書房照太守勅一首

太上皇帝勅旨持捕惡禽理憑

誓鳥言改錯節寶須利器前件

源郡延等或職業清華或矜宇

閑懇隨材任使僉謂得人件授  
知右付外依式

北齊武帝除莫瓊等太守勅一首

太上皇帝勅旨專城之寄有屬

惟良前件莫瓊等早從任使並

展勤績緝釐人政僉議所歸件

授知右其有將軍品爵憲如故

北齊武帝除盧景開太守等勅一首

太上皇帝勅旨典郡毗藩允鍾

勤幹件盧景開等並器業明遠

局量優通宜任以化人申其志

力件授知右其有將軍品爵憲

如故

北齊後主除崔孝緒等太守長史勅一首

勅言言求人瘼寔資良守欲清  
藩政允寔元僚前行新興郡事  
崔孝緒廣州前別駕封士德等  
並早涉宦塗夙擅勤績專城贊  
牧義非虛屬孝緒可行并州樂  
平郡事士德可西汾州長史其  
有將軍品爵如故

北齊後主起復那恕書郎勅一首 隨李德林

勅言并省前七田郎中那恕往  
遊達禮聲績已聞雖在艱憂義  
有操奪可起復前官付外依行  
北齊後主除李遵茅官勅一首 隨李德林  
勅言近西戎未序來殺金谷駝  
率大羊紫城自守前件李遵茅

忠誠肆憤氣勇爰發橫戈揮劍  
叱咤無前賊徒乞解土宇清復  
奉軍實於和門獻醜類於麾下  
錄功行賞並宜優擢件授如右  
將軍開國防境志如故付外依  
行

北齊後主除并州沙門統李勅一首

勅言律師智審戒行精苦具此  
律儀法師法炬多解博聞方門  
咫尺文武內外送往寺居仰為  
先朝伽藍肇構統理僧務寔資  
開士智審可并州沙門都維那  
无上道寺主法炬可并州沙門  
都維那无上道副寺主各將徒

衆十人仍令住寺付外依行

蘇後寺降僧惠摩善州沙門都維那勅首 隨孝德林

勅旨趙州劉滔寺僧惠摩風持

戒業私濟為心往在東楚時逢

邊歿藩鎮相望郵驛為梗而冒

涉險塗屢通音信忠誠之義深

以嘉之可美州沙門都維那

貞觀年中授杜如晦等別檢校官勅一首

勅兵部尚書蔡國公杜如晦刑

部尚書永康縣公李藥師勳空

之重情寄攸深雖成務禮闈宜

忝掌樞秘如晦可檢校侍中藥

師可檢校中書令

貞觀年中命房玄齡檢校禮部尚書勅一首

勅中書令邦國公房玄齡勳高  
情篤望重寄深文昌政本叅贊  
攸屬可檢校禮部尚書事

黜免

隨文帝解石孝義等官勅一首 隨孝德林

勅往年王謙作逆出師誅討上

件石孝義等受命從軍弼諧戎

事功成闕地是將帥之司錄功

叙勞歸文吏之職及王師大捷

清蕩岷嶽執筆之徒肆情誣罔

諸是僚佐凡數十人同詳異謀

虛相構架偷勳竊効免從已始

自知何曲所在祇縱軍旅之人

雖不見賊但評論訟即入勳簿

證虛作有以少為多聚斂貨財  
 非知紀檢蓋郵匪庶誠哉可懸  
 前遭賊入已被殘害後逢暴吏  
 資產更空損穢朝歎廢虧戎政  
 此而可忍孰不可懷論其本心  
 宜從大辟朕好生惡殺並愆其  
 死孝義等在身凡有官爵悉可  
 除之於益州所得賞及私受一  
 物已上並即追收

隨文帝免常明官爵勅一首 李德林

勅儀同三司平原縣開國公常  
 明稟性凡愚庶事無取昔在周  
 代盪務朝行無以容茲不肖仍  
 穢纓冤可斛儀同縣公

隨文帝免馬仲任官爵勅一首 李德林  
 勅上開府儀同三司太平公馬  
 仲任閭門之內惟薄無辨同氣  
 之倫行均鳥獸宜應潛形忍愧  
 速避人間而來謁殿庭理外求  
 請人而無禮固以要君有穢朝  
 行宜除官爵

文館詞林卷之百九十一



文館詞林卷第六百九十五

令下

抄部 梁殿制 梁學 田廣 及 梁士 實得軍令 數令 雜令

中書令太子賓客監修國史弘文館學士上

柱國高陽郡開國公臣許敬宗等奉 勅撰

梁孝元帝議移都令一首

魏曹植毀野城故殿令一首

魏武帝春祠令一首

梁孝元帝祠房廟令一首

魏武帝脩學令一首

以鄭稱授太子經學令一首

陳後主在東宮臨學聽講令一首

魏武帝收田租令一首

梁孝元帝勸農令一首

魏武帝令掾屬等月旦各言過令一首

梁武帝設勝蓮柱令一首

檢尚書衆曹昏朝滯事令一首

除東昏制令一首

高祖太武皇帝作相正定文案令一首

魏武帝舉士令二首

論吏士行能令一首

魏武帝分租賜諸將令一首

魏曹植賞罰令一首

梁孝元帝策勲令一首

封劉毅宗懷令一首

射書雍州令一首

魏武帝軍將敗抵罪令一首

梁孝元帝與諸藩令一首

責南軍令一首

東晉元帝改元赦令一首

梁武帝克定京邑赦令一首

開國赦令一首

魏武帝整齊風俗令一首

魏曹植自試令一首

梁武帝集墳齋令一首

斷華侈令一首

掩骼埋骸令一首

葬戰亡者令一首

梁孝元帝遣上封令一首

梁孝元帝議移都令一首

令丹陵舊京每懷去魯之歎白水故鄉彌深過沛之

想羯賊侯景指日象懸夾鍾在律便應底定今若移

運建業言及金陵將恐覆運未周國儲不實舟輿尚  
少燕燕莫繼若仍停剝服卽安清宮復恐制置豐屋  
難爲脩理外可悉心以對人思自竭通侯諸將勿得  
有隱

魏曹植毀鄆城故殿令一首

令鄆城有故殿名漢武帝殿昔武帝好遊行或所幸  
處也梁捕傾頓棟宇零落脩之不成良宅置之終於  
毀壞故願撤取以備官舍余時獲疾望風乘虛卒得  
恍惚數日後瘳而醫巫妄說以爲武帝魂神生茲疾  
病此小人之無知愚惑之甚者也昔湯之隆也則夏  
館無餘跡武之興也則殷臺無遺基周之亡也則伊  
洛無隻椽秦之滅也則阿房無尺招漢道衰則建章  
撤靈帝崩則兩宮燬高祖之魂不能□未央孝明之  
神不能救德陽天子之存也必居名邦□土則死有  
知亦當逍遙於華都留神於舊宇則甘泉通天之臺  
雲陽九層之閣足以綏神育靈夫何戀於下縣而居  
靈於朽宅哉以生論死則不然也况於死者之無知  
乎且聖帝明王顧宮闕之泰苑圃之侈有妨於時者  
或省以惠人况漢氏絕業大魏龍興隻人尺土非復  
漢有是以咸陽則魏之西都伊洛爲魏之東京故矣

朱雀而樹開閤平德陽而建泰極况下縣腐肢爲狐  
狸之窟藏者乎今將撤壞以修殿舍恐無知之人坐  
自生疑故爲此令亦足以反感而解迷焉

魏武帝春祠令一首

今議者以爲祠廟上殿當解履吾受錫命帶劍不解  
履上殿今有事于廟而解履上殿是尊先公而替王  
命敬父祖而簡君主故不敢解履也又臨祭就洗以  
手擬水而不盥夫盥以潔爲敬未聞擬向不盥之禮  
且祭如在祭神如神在故吾親受水而盥也又降神  
禮訖下階就坐而立須奏樂畢竟似若不行烈祖遲  
祭不速訖也故吾坐俟樂闋送神乃起也受胙納袖  
以授侍中此爲敬恭不終實也古者親執祭事故吾  
親納于袖終抱而歸也仲尼曰雖違衆吾從下誠哉  
斯言也

梁孝元帝祠房廟令一首

令六宗設祀載陳前冊八蜡有祠抑聞往義况復寶  
難耀采光映兩陽金馬呈祥氣浮西蜀而可行潦勿  
脩類禁不設者也經近寇逆以來諸房廟社樹爲所  
侵伐可並修理置祭專付濟果知事外卽施行  
魏武帝脩學令一首

今喪亂已來十有五年後生者不見仁義禮讓之風  
吾甚傷之其令郡國各脩文學縣滿五百戶置校官  
選其鄉之高選而教學之庶幾先王之道不廢而有  
以益於天下

魏文帝以鄭稱授太子經學令一首

令龍泉太阿出昆吾之金和氏之璧由井里之田鎔  
之以砥礪錯之以他山故能致連城之價爲曠代之  
寶學亦人之砥礪也稱篤學大儒勉以經學輔侯且  
夕入授曜明其志

陳後主在東宮臨學聽講令一首

隋江總

令中庶子膠庠化本教學政前古之雍熙學不由是  
自興行將季風化陵遲梁室版蕩微言中廢後生莫  
曉涿洎之文晚學未聞齊魯之說加以弃本逐末情  
多詭譎自衛守曆史如膠柱假詞而誦豈類背碑吾  
稟訓晨昏言詩立禮溫清暇日秋籥冬書翫前聖之  
簡牘慕往賢之砥礪今鋒刃旣銷雍序大放刪浮去  
僞求名責實儒玄總集蒲玉交馳楨幹懿親開蒙範  
物梁園魯殿崇經弘道泮宮潘學未比宗師小山駭  
什寧同章句可謂千里更齊知十肅奉越過預觀訓  
曹綬掖濟濟冠冕師師聽鈞演之說囑循還之辨美

業再興於斯爲盛昔過栖下聘尚加東帛祥瑞上臻  
猶班重幣况茲大禮而可忽諸外卽詳賜學僚以稱  
吾意

魏武帝收田租令一首

令夫有國有家者不患寡而患不均不患貧而患不  
安袁氏之乂也使豪強擅恣親戚兼并下人貧弱代  
出租賦衙需家財不足單負審配宗族至微乃藏匿  
罪人爲逋逃主欲望百姓親附兵甲強盛豈可得也  
其令收田租畝四升戶出絹二匹綿二斤而已他不  
得擅興發郡國守相明檢察之無令強人有所隱藏  
弱人恭賦也

梁孝元帝勸農令一首

令歲陰無遠聲年將及深耕穡種載聞前史因糧取  
用抑傳往說方今凶醜尚殷國難未靜須壹車書克  
清宇內自非勸農何以滅敵今夏首始平彭蠡新靜  
可通息甲兵力田墾種絳是空廢荒田無問公私隨  
意耕作普停租稅悉蠲調役若有種糧短闕就公換  
請外卽申下咸使聞知也

魏武帝令掾屬等月且各言過令一首

今夫化俗御衆建立輔弼試在面從詩稱聽用我謀



庶無大悔斯實君臣懇懇之求也吾尤重任每懼失中頻年以來不聞嘉謀豈吾開延不動之咎邪自今以後諸掾屬侍中別駕當以月且各言其失吾將覽焉

梁武帝設勝建在令一首

任昉

令自永元昏修君子道消肺石之傍窮冤不一今舊邦惟新日昃思又淫刑濫賦雖就刑革尚存未理豈無其人可設勝還衢普加啟告其有抱理未暢者可資辭指詣公車言其在直

梁武帝檢尚書東曹昏朝滯事令一首 任昉

令永元之季乾維落紐政實多門有殊術文之日權移於下實等曹恭之時閹尹有翁媪之稱高安有法堯之旨需獻馭官因山讓澤閉塞之機奏成小醜直道正議擁抑彌年懷冤抱理莫如誰訴奸吏因之筆削自己豈直賈生流涕許伯哭時而已哉今理運惟新政刑得所矯革流弊實在茲日可通檢尚書東曹昏時諸爭訟失理及主淹停不時施行者猶加詳辯候事議奏便施行

梁武帝除東昏制令一首

沈約

令夫樹以司牧非役物以養生視人如傷豈肆上以

縱虐廢主弄常自絕宗廟窮凶極悖書美未有荷醜滋章征賦不一糞糞草木朝擗夕毀撫梁易柱不待匠人徵發間左以充繕築流離寒暑繼以疫厲轉死溝渠曾莫收恤朽肉枯骸烏高是厭加以天災人火屢焚宮掖官府臺寺尺椽無遺悲甚黍離痛兼麥秀遂使億兆離心繼徵侵弱壽春內地鞠爲冠場辱及祖宗耻深諸夏斯人何辜離此塗炭今明昏遽運大道公行思化之萌來蓋茲日根以寡薄屬官大寵雖運距中典難同草昧思闡皇休與之更始凡昏制釋賦淫刑濫役外可詳檢前源悉皆蕩除其主守散失諸所愆耗精立科條成從原例便施行

高祖太武皇帝作相正定文案令一首

令天地覆載調二氣於陽陰日月晦明表四時之代謝圖首方足同稟五常開物成務俱遵六甲簡策成文咸標版序設官分職必繫日辰法令條章記年載之遠近廢置興造明本末之同異比者因循官曹弛慢文案簿領多不注日造次尋閱無所准據非止事機有失將恐奸詐萌生必也正名特宜詳慎自今以後不得更然若有踵前隨卽糾劾

魏武帝舉士令二首

令自古受命及中興之君曷嘗不得賢人君子與之共化天下者乎及其得賢也曾不出閭巷豈幸相遇哉上之人不求之取今天下尙未安定此特求賢之急時也孟公綽爲趙魏老則優不可以爲滕薛大夫若必廉士而後可用則齊桓其何以霸也今天下得無有被褐懷珠玉而釣於渭濱者乎又得無有盜嫂受金而未遇無知者乎二三子其佐我明揚仄陋唯才是舉吾得而用之今夫有行之士未必能進趣進趣之士未必能有行也陳平豈篤行蘊秦寧守信也而陳平定漢業蘊秦濟弱燕由此言之士有偏短庸可廢乎有司明思此義則士無遺滯官無廢業矣

魏武帝論吏士行能令一首

令議者或以軍吏雖有功能德行不足堪郡國選所謂可與適道未可與權者也管仲曰使賢者食於能則上尊鬪士食於功則卒輕死二者設於國則天下又未聞無能之人不鬪之士竝受祿賞而可以立功與國者也是故明君不官無功之臣不賞不戰之士太平尙德行有事賞功能論者之言一似簡窺歎矣

一行

魏武帝分租賜諸將令一首

令昔趙者實嬰之爲將也受賜千金一朝散之故能濟成大功永代流聲吾讀其文未嘗不慕其爲人也與諸將士大夫共從戎事幸賴賢人不愛其謀羣士不遺其力是以夷險平亂而吾得竊大賞戶邑三萬追思趙實散金之義今分所受租與諸將掾屬及故戍於陳蔡者庶以躡答衆勞不擅大惠也宜差死事之孤以租穀及之若年殷用足租奉畢入將大與衆人悉共饗之

魏曹植賞罰令一首

今夫遠不可知者天也近不可知者人也傳曰知人則哲堯猶病諸諺曰人心不同若其面焉唯女子與小人爲難養近之則不遜遠之則怨詩云憂心悄悄愠于羣小自閭人從或受寵而背恩或無故而叛違顧左右矚然無信夫嚼者咋斷其舌右手執斧左手傷夷一身之中尙有不可信況於人乎唯無深瑕憎覺隱過匿愆乃可以爲人君上行刀鋸於左右耳前後無其人也諺曰穀千鷲馬不如養一驥又曰穀駕馬養庸夫無益也乃知韓昭侯之藏弊袴良有已也役使臣有三品有可以仁義化者有可以恩驗者此二者不足以導之乃當以刑罰使之刑罰復不足以

率之則明聖所不能高故堯舜至聖不容無益之子  
湯武至聖不能養無益之臣九折臂知爲良醫吾知  
所以待下矣諸吏各敬爾位孤推一緊之平功之宜  
賞於賊必與罪之宜我在親不赦此令之行有若職  
日於戲羣司其覽之哉

梁孝元帝策勳令一首

令賞不踰月前王令其德懋以功往冊明諾自白波  
作寇亟淹旬朔黑山擣逆多歷茲至變我維城事驗  
絕域東軍力戰士卒勤勞寒暑亟離征夫疲瘁今九  
疑既宿三湘款服可惟修軍薄以時策勳便即申勅  
稱吾意也

梁孝元帝封劉毅宗懷令一首

令昔扶柳開國止日故人西鄉胙土本由賓客況其  
事波勳庸宜加爵命左丞劉毅恪勤所任便繁日久  
逆嫡王內傳銜命有勞雖路中大夫大史子義望古  
儻今不能尚也中書侍郎宗懷亟有帷幄之謀實惟  
股肱之寄從我于過多歷歲時毅可嘉典縣開國伯  
懷可信安縣開國伯食邑各三百戶外即施行

梁孝元帝射書雍州令一首

今雍州文武士庶何奴輕漢天子蒙塵御膳貶損肝

願塗地吾任總運率承制刑亟宜勒諸藩共勤王業  
而各懷叛換莫肯伏從遂復頓兵堅城欲懷舉斧類  
被摧拉屢挫何奴此竝是卿之所見也張使君令聞  
令望公才公貌靈饒之中實非其罪吾雖不武忝居  
藩岳惟刑惟益兄弟二人總一元戎表裏同契柳雍  
州首行戒路已當按部適得柳信□取馮翊湘州諸  
軍行已獻凱三萬之兵少日而至積穀百萬足周十  
年郢州遺司馬劉龍尋望眉鎮卿等或羽儀鼎族或  
冠冕代華馳逼來此念當勞弊今並無所問一皆放  
免許其還本不窮追躡若有擒送克身賞南梁州北  
司州錢千萬金銀三千兩絹布各三千匹封五千戶  
侯即日交付信賞之科有如皎日江水在此吾不食  
言

魏武帝軍將敗抵罪令一首

令司馬法將軍死後故趙括之母乞不坐括是古之  
將者軍破於外而家受罪於內也自命將征行但賞  
功而不罰罪非國典也其令諸將出征敗軍者抵罪  
失利者免官爵

梁孝元帝與諸藩令一首

今即日青鬼朽貫紅粟盈倉據有令楚奄有南服舐

龍萬計鐵馬千羣一尤之土可封函谷半紙之翰能  
下聊城而不以富貴爲榮不以妻孥爲念瀝血叩心  
枕戈嘗膽其何故哉政欲掃蕩長地誅鋤封豕本非  
經略三夏包羅二別而中流末附必使王師弗見勤  
王之難且有親尋之辱與言思此載勞寤寐政當浮  
舟水次秣馬江陵靜聽郢濫若爲消息脫能前驅入  
討同畫勳王陝服景從差爲未晚如其臨率市人沂  
流西入凡我腹心人百其勇判當待彼先舉然後從  
事兵非我始幸各逸巡其間小小應接非今所議

梁孝元帝責南軍令一首

令寒暑載離淡戎無恙城小而固致足爲勞西秦忽  
遣兵馬二十萬衆侵據隨陸進取石城先討桓和次  
擒仲禮卽浸漢南仍臨澧北吾備設權變無減六奇  
之謀經營方畧妙得九天之勢彼請和退舍聞義卽  
伏幕有飛鳥疑楚師之夕返路聞班馬識齊將之方  
還談咲却秦魯連未匹符堅奔散謝安何有前殄蕭  
魯後却楊忠坐能制勝豈非運策卿等衆軍一何不  
武遂示逗留良足多歎今遣舍人王孝祀往具申聞

曲

東晉元帝改元敕令一首

令昔我高祖宣皇帝至德應期受天明命玄石著瑞  
摩基帝道景皇纂戎文皇扇烈重離宜曜庸蜀稽服  
武皇受終登陟帝位光宅天下九州順軌惠懷多難  
帝主不遺夷狄材狼肆其暴亂京都傾覆宗廟爲墟  
孤悼心失國靡知所指繕甲脩兵補結天網將以雪  
皇家之耻蕩鯨鯢之害然後謝責象魏歸身藩臣生  
死之志畢矣今百辟卿士億兆之人上陳靈符下稱  
人情同見翼戴若影響焉孤普心不回至于三至于  
四有司固請所守有辭志不可奪孤逼于羣吏之議  
用上奉燕膏虔祀祖考明告靈神以祇休命今立宗  
廟備百僚所以先帝傳音祚總九牧保生靈也惟爾  
股肱爪牙之佐文武不貳心之臣其各立功立事以  
扶我帝室其與天下蕩滌瑕孽改往自新同率子來  
致天之罰其大赦天下孤老不能自存者賜帛二匹  
其殺祖父母及劉載石勒不從此令有能斬獲載首  
者封郡公食邑五千戶金二百斤緡萬匹斬勒首者  
封郡侯食邑三千戶金百斤緡五千匹其爲載勸所  
誣誤者赦書到日解甲散兵各還所屬一無所問有  
能率衆從順隨本官及所領多少論其爵位被書後  
百日若故屯結遂附賊黨誅及三族改建興五年爲

建武元年

梁武帝克定京邑赦令一首

令皇家不造邊此昏內禍延動植虐被人鬼社廟之  
危喬焉如綴吾身藉皇宗曲荷先願受任邊疆推轂  
萬里眷言瞻焉痛心在目故率其尊主之情屬其忘  
生之志雖寶曆重升明命有紹而獨夫隳縱方煽京  
邑投袂授戈克弭多難虐政橫流爲日既久同惡相  
濟諒非一族仰稟朝命任在專征思播皇澤被之率  
土凡厥負蒙咸與惟新可大赦天下唯王暉之等册  
一人不在赦例別言上行臺外依舊施行

梁武帝開國赦令一首

令孤以虛昧任執國鈞雖夙夜勤止念在興化而育  
德振昨邈然尚遠聖朝永言舊式隆此眷命侯伯盛  
典方軌前烈嘉錫景煥禮數昭崇徒守愿節終隔體  
諒羣后百司咸事敦契勉茲厚顏當此休祚望昆彭  
以長想欽桓文而歎息思弘政塗莫知津濟邦甸初  
啓藩宇惟新思覃嘉慶被之下國其赦國內殊死以  
下今月五日昧爽以前一皆原散縲寡孤獨不能自  
存者賜穀五斛府州所統亦同蠲蕩主者施行  
魏武帝整齊風俗令一首

今阿黨比周先聖所疾也聞冀州俗父子異部更相  
毀譽皆直不疑無兄時人謂之盜嫂第五伯魚三賢  
孤女謂之媿婦公王鳳擅權谷永比之申伯王商忠  
議張匡謂之左道此皆以白爲黑欺天罔君者也吾  
欲整齊風俗四者不除吾以爲羞

魏曹植自試令一首

令吾昔以信人之心無忌於左右深爲東郡太守王  
機防輔吏舍輯等任所誣白獲罪聖朝身輕於鴻毛  
而謗重於太山賴蒙帝主天地之仁違百寮之典議  
捨三千之首戾反我舊居襲我初服雲雨之施焉有  
量哉反旋在國捷門退掃形影相守出入二載機等  
吹毛求瑕千端萬緒然終無可言者及到雍又爲監  
官所舉亦以紛若于今復三年矣然卒歸不能有病  
於孤者信心足以貫於神明也昔雄渠李廣武發石  
開鄒子囚燕中夏霜下祀妻哭梁山爲之崩因精誠  
可以動天地金石何況於人乎今皇帝遙過鄙園曠  
然大赦與孤更始欣咲和樂以歡孤頃涕咨嗟以悼  
孤豐賜光厚管重千金損乘輿之副竭中黃之府名  
馬充厩駟牛塞路孤以何德而當斯惠孤以何功以  
納斯□官而不吝寵至不驕者則周公其人也孤小

人耳深更以榮爲感何者將恐簡易之尤出於網微  
脫爾之愆一朝復覆也故欲循吾往業守吾初志欲  
使皇帝思摩天使孤心常存地將以全陛下厚德窮  
孤犬馬之年此難能也然孤國欲行衆人之所難詩  
曰德翰如毛人鮮克舉此之謂也故爲此令着于宮  
門欲使左右共觀志焉

梁武帝集墳籍令一首

任昉

今近災起柏梁遂延渠閣青編素簡一同煨燼網囊  
縱奏蕩然無餘故以痛深泰末悲甚漢季求之天道  
昭然有徵豈不以昏嗣作孽禮樂崩壞及聖人有作  
更俟茲辰今雖百度草創日不暇給而下車所務非  
此孰先便宜選陳農之才採河間之圖懷鈔握素汗  
簡校青依祕閣舊錄選加繕寫便施行

梁武帝斷華侈令一首

任昉

令夫在上化下草偃風從俗之澆淳恒由此作自永  
元失德書契未紀窮昏極悖焉可勝言既而突室外  
構傾宮內積奇伎異服單所未見上覆下暴淫侈競  
馳國命朝權政移近習販官需爵賄貨公行並甲第  
康衢漸臺廣夏長袖低昂等和戎之錫珍羞百品同  
伐木之家愚人因之浸以成俗儻豔典競夸麗相高

至乃市井之家貂狐在御工商之子縵繡是費日入  
之次夜艾未反昧典之朝期之清旭今聖明肇運厲  
精惟始雖日嚴戎殆同創革且淫費之後繼以典師  
巨橋鹿臺彫器不一孤忝荷寵任務在澄清思所以  
仰贊皇朝大帛之旨俯屬微躬屢衰之義解而更張  
斷彫爲操自非可以未業盛脩級冕習禮樂之容艱  
甲兵之備此外果費一皆禁絕御府中署量宜罷省  
掖廷備御妾之數大予絕鄭衛之音仰度朝旨聞同  
此意其中有可以率先卿士准的庶萌菲食薄衣請  
自孤始加以羣才竝軌九官咸事若能人務退食鏡  
存約已移風易俗庶蒼月有成昔毛珎在朝士大夫  
不敢靡衣愉食魏武歎曰孤之法不如毛尚書孤雖  
德謝往賢任重先達實望多士得其此心外可詳爲  
條格以時施行

梁武帝掩骼埋骸令一首

任昉

今近朱雀之捷義勇爭奮離心之衆政距王師鉅鉞  
一臨望塵奔陷雖水不流隻輪莫反求之政刑允茲  
李戩但于時白旗未懸凶威猶壯駭逼所至非有顧  
心凡厥逆徒於陳送死者可特使家人收葬若無親  
或有貧苦無以歛骸二縣長尉卽爲埋掩仁及枯骨

非所敢慕尚或境之庶幾可勉凡建康城內諸不逆  
天命自取淪亡者亦同此科便可施行

梁武帝葬戰亡者令一首

任昉

令近義師勦旅士卒爭奮數千之塗載離寒暑輟西  
歸之恩屬必死之節兵凶戰危零落者衆加以風寒  
霜露天共天年同彼親辰異此慶日興言旣在惻愴  
淚懷凡諸臨陳致節及疾病喪亡者並宜厚加葬斂  
收恤遺孤庶足徵慰忠魂少贖誠烈

梁孝元帝遣上封令一首

令自凶醜憑凌構斯變逆便遣兼司馬吳舉爲第一  
軍次遣天門太守樊文皎爲第二軍次遣故軍師將  
軍方等爲第三軍次遣武寧太守淳于量爲第四軍  
次竟陵太守王僧辨爲第五軍吾相繼沿流志清國  
難總此六軍方舟而下湘雍接壤不遺一軍觀國幸  
災志圖非望或割地舉兵或來相掩襲親尋干戈各  
懷不軌仰惟社稷一旦傾淪枕戈泣血容身無地承  
明可望永絕朝謁之期庭闕方趨無復聞詩之日拊  
膺長叫沒身何補號天扣地無所逮及煩寃荼毒貫  
截肝心纏綿膈臆觸途殞樹鳴枝不自堪恐霜  
露方下祠祭莫由犬馬之誠無忘岵漏烏鳥有心每

思雪復街醜沒幽籠廉濟春生夏長萬恨不追日  
往月來百身靡贖方今殺粟充私倉廩欲實多載糧  
粒廣命甲兵迅旆飛軻直指姑孰成敗之決在乎此  
行功成則爲雄烈之人身死則爲忠義之鬼未迎今  
主克清象魏但憑下流諸藩未必俱發行路駛阻殺  
粒難問進未及前退且惟谷其間進止應有深謀可  
悉心以對勿得隱竝送封事吾將覽焉

文館詞林卷第六百九十五

書文館詞林後

王伯厚玉海引唐會要曰顯慶三年十月二日許敬宗修文館詞林一千卷上之崔元暉等訓註據唐書暉當作今案唐書藝文志曰文館辭林一千卷許敬宗伯宗等撰又曰崔元暉訓註文館辭林策二十卷乃知其書原一千卷而元暉所註止其策二十卷也會要係訓註於一千卷下者繆矣宋史藝文志錄文館詞林詩一卷而不錄其全書蓋當時已闕佚所存止一卷耳但以其書之浩博而詩僅一卷是則可怪一字誤寫不者上下有脫字亦未可知也是編之流傳於我者已久而今亦不復完存其古鈔殘本或藏於古剎或珍於好事家余訪求蒐索乃獲四卷其三卷尚多殘闕其第六百六十二卷多用則天制字豈以武周時之本而傳焉歟今皆以通行字更寫之其第六百九十五卷末記云授書殿寫弘仁十四年歲次癸卯二月爲冷泉院書今以干支推之正當唐穆宗長慶四年則其傳來之久亦可見矣嗚呼千卷之鉅典而缺佚殆盡屢屢重編無復可用然賴此可以窺其體例於萬一也則又烏可不傳焉乎庚申歲清明月之八日天瀑識



文館詞林卷第六百九十九

教四

此七篇皆梁武帝撰  
命袁孝初撰

中書省子省書林國史文館學士任滿馬融等撰

勅撰

後漢李固恆奉高令喪事教一首

宋劉義季藏枯骨教一首

宋傅亮為宋公收蓋荆雍二州文武教一首

梁簡文帝祭北行戰亡將客教一首

贈聘危玄達教一首

監護桂嵩喪教一首

贈郵部曲喪柩教一首

梁江淹為蕭驎騎禁新亭壘埋枯骸教一首

梁任昉轉送亡軍士教一首

梁沈灼祭故徐崔文教一首

贈留直人祖父教一首

梁王僧鴦在縣祭杜西曹教一首

東晉庾翼襄荊州主者王無教一首

梁簡文帝圖雍州賢能刺史教一首

梁簡文帝甄張景顛復讎教一首

東晉王洽修太伯廟教一首

宋傅亮為宋公修復前漢諸陵教一首

為宋公修楚元王墓教一首

為宋公修報良廟教一首

梁簡文帝修理羊太傅蕭司徒碑教一首

陳沈炯為王公修相國德政碑教一首

梁江淹為蕭驃騎發徐州三五教一首

梁王筠習戰備教一首

恆奉高令喪事教一首 後漢李固

告曹侍事掾師儼及吳喜平城

至甚庶令在奉高備勅閨門教

禁施從盜賊衰息獄訟宜少興

崇經典威武無並考功效實為

郡中軍當龍先基窮極榮壽何

意小疾乃至顛殞可痛可惜銜

絕肝心太守舉門為之流涕母

老子弱門戶單機又令北州舊

族少立清高遺言懇惻欲令暇

白之素終始不渾故遣儼熹基

等共視喪事約勅丞掾勿妄為

非法法賻從史車兩當令嚴事

以時備辦聞有殺在羸地土已

遣史韓當令時食勿令史符容

姦時既淺薄此郡尤甚儼等勞

加惻隱動靜言

藏枯骨教一首 宋劉義孝

經紀夫愆伏違節寔微謗政吾

雖達庶側備近異規誨慮者之

既深人吾未已思廣消邱跡昧

其方埋財行堊義存令與收枯

設醢事感曹陳四境之內有委

骨露骸毀棺頽樽為經塗所踐

輟者可申命有司嚴加斂藏其

宜資須取給官物豈曰云補奠

徵科給懷便速施行

馮梁公校善判第一州文武教一首 宋傅亮

經紀近二寇肆逞距捍王旅荆

荆文武並被驅逼鋒刃既交死

傷盈目罪歸元凶衆庶何辜尸

附未掩悽然矜懷可告宣郊郭

有家人及親戚在此者各令收

斂若家遠外無相料理者勅右

戶給材器時殯塵之并物色人

形標揭題誠令六親尋致今天

人驛虜橫遠非命事至於此愧

悵兼懷

祭北行戰亡將客教一首 梁簡文帝

二府州國經紀吾奉命西藩揮

麾截伐鋒臨秦汝深入戰場三

軍之士蒙犯戈戟歲時勞止日

月悠長或告盡災亦或身膏林

草悼茲既往曾何可忘凡諸逝

者可剋日奠祭庶長城之下永

息委骨之謠洛水之南無復零

雨之尖雄鬼忠魂少慰原野外

即施行

贈贈尾言達教一首 梁簡文帝

二府州國經紀昔代將一言便申

郡守之賞曹臣小節猶當御史

之榮況漢勇邁前脩誠奮往烈

軍主扈言達揮堅陷敵戰士旋

踵自出師薄伐實有厥勞殞命

鋒刃宜加孰寵可贈本郡新野  
太守賻錢一萬布廿匹時遣監  
塵外速施行

監護杜嵩喪教一首 梁簡文帝

二府州國經紀永曹參軍杜嵩  
殞命戎間甚用傷怒高汗馬累  
年辛勤已著此段復隨杜懷瑤  
凌危履險身杵其父致此喪命  
昔示旰旰親之難彭循衛君之  
鋒皆遺芬前史垂名後代未有  
如嵩奮袂忠孝無攀悲懷惻愴  
不能自息可賻錢十萬布百匹  
并遣監護喪事別表申聞加以  
榮爵外即施行

瞻卹部曲表旌教一首 梁簡文帝

二府國經紀昔射聲之營曹襄  
有掩焄之德廣漢之邑陳寵有  
收葬之仁言念轉蓬尚思故莠  
瞻斯發苑猶憶舊止以彼弄慈  
傷茲墜履吾出藩以來歲時淹  
積屢變寒暑頽阻寇戎今荷璽  
書得蒙收短絰東徒士庶有於  
此殞命棺柩妻子不能自及者  
外可量宜瞻卹使得泐流庶龍  
沙之塵無憂於沈水鶴奔之鬼  
不勞於通夢外即施行

為蕭縣尉祭新亭臺程松巖教一首 梁江淹

府州經紀夫河南稱慈諒由掩

對廣漢派仁實存殞朽近哀製  
茲營崇埽浚塹古墟曩遊時有  
湮移深松茂草或致刊葬憑軒  
動惠巡隍增愴宜並為收斂并  
設薄祀主局詳辨施行

轉送去軍士教一首 梁任昉

府州固經紀隆死既節著自周  
經加等明陳之魯冊近猗執侵  
邊鋒鏑關句元戎砧伐胡馬北  
徂今春所上人丁將吏身殞戰  
場或命難突疾瞻言朔野良以  
愴情可使泓流分明標塵即付  
所瞻迎致還本餘孤遺老宜存  
拯異其將吏在軍身經戰陣薄

有尤剗者賜之綬假

祭故徐崔文教一首 梁沈約

經紀責邦冠衣不少有士如林  
劉鄭傳賂之家接留徐揚之族  
雖晚運彫蹤不達疇往而餘風  
未改舊俗猶存徒以邦校與家  
私引蓋闕致乘業淪喪勸募靡  
因斑白懷道發憤於鄉曲後進  
希風宜聞於閭閻太守課忝朝  
私分竹斯境誠學不專經牆面  
邦國勸厲之志獨盈懷抱方欲  
開飾庠宇招置生徒徒茲舊學  
授以章句庶郵魯之風重興已  
留之化可勉郡前孝廉太未徐

崔文結袂從師華首未倦詳洽  
之功有譽邦邑故屈慙學務俾  
訓後昆曾未云幾奄然長謝本  
懷不遂愴恨無情及其在殯可  
遺薄醪樓功曹材思斐然抑惟  
梓子并為祭文用申往意

贈留真人祖父教一首

梁沈約

經紀昔秦王慕道三山之使相  
望漢帝希靈五岳之巡不輟故  
能使韓衆羽化西母來俄神迹  
景蔚可得而言也貴郡區寓秀  
趣合奇隱異鴻軒接軫鶴駕成  
群金華東山留真人誕鍾靈性  
獨悟懷抱日飲霞食卅餘載假

形劔林蛟景登雲駭想徹塵翹  
仰赫結真人門基緒曾此邦冠  
冕而祖稱極遲榮命不及言念  
追遠增懷無已若夫未稔私誼  
尚允昔誥潘喜延旌寔惟舊典  
可贈真人祖功曾史父孝廉庶  
厥幽靈薄尉止隴

在鬢杜曾教一首

梁王僧孺

夫騎驪丹青猶懷之於万古沉  
吟豪竹欲先之於千載況其邪  
可踐其道不巨柱生者實南園  
之後人東山之異士造次玄遠  
被服仁義五業必該六行無缺  
靜焉虛室緇塵莫得而干澹然

飄泊鄙競於何可入其背因負  
芟聊亦禪冠暫解下士來遊上  
因吾亦諸生從師問道始遇劉  
先生之室未華何徵君之困弊  
聞精廬魁勤橫舍壘、清論匪  
辰伊夕灼々高文自篇成卷聚  
散不恒一然為別吾從祿南障  
彼亦返東阜一間山川多阻音  
訊謂仁者壽而此子不遐滄阻  
且遙瞻赴事隔常怨素車不駕  
宿草已蕪忽以不材懷印茲壤  
下車望境不覺涕之無從聊欲  
申其薄祭以薦故友胸笥已備  
蘋潦可辨明便宿春蓐食柏告

墓田即可命彼舟人驚駭逃邁

襄荊州主者王謙教一首 東晉庾翼

夫編名朝錄執笏為吏誠應潔  
已奉時以效忠節而未俗偷薄  
貪濁者衆雖罪黜相尋而莫之  
改也兵曹書佐王謙近得區閑  
賕貽而能公言不受雖臣下之  
體不可不然然在事者多復不  
能尔以人相望令人嘉之經紀  
宜共甄識至於勞滿叙之令超  
也用意如此理當清真清貧之  
錫所以屬不清也可賜布三十  
匹

圖雍州賢德刺史教一首 梁簡文帝

二府州國經紀古之所謂死而

不朽者其唯令名字故莫州表

朱穆之象太上有陳寔之畫曰

子言碑高樹汝南之右王生產

廟猶在碑邑之傍白嶺渭上壇

脩都埋穢迴照興并劃棄根起

晉建興之初迄齊永明之末此

土州特寔為不少或有留愛前

口或有傳芳史籍或武猛紛紜

或風流名望宜其寫彼丹青長

為准的肯越王銘金尚思范義

漢君徐畫猶憶高彫彼於賢

寧忘景慕可並圖象聽事以旌

厥善庶以諭茲琴海群彼有木

王者即施行緝吾此意

甄張景類復碑教一首 梁簡文帝

二府州國經紀夫理感禽魚道

均荆棘亦有解因行政江以孝

移廣平太守祭天起隄送陰縣

安樂村張景類自縛到郡列稱

父以天監七年為陰成村妻法

所赦介時年始八歲從來恒如

伺捕不相違過以今月九日於

公田渚斬法級祭墓託東身歸

官昔沂澤撫劍河南執戟遠符

古義實足可喜防廣刃碑敬其



桎梏之罪丁蘭雪恥擢以大夫之位可原顛罪下屬長獨其一戶租課以旌孝烈并上尚書外速宣下

脩太伯廟教一首 東晉王洽

太伯既至德高讓汎流千載加  
踦委垂化真所謂大造于吳而  
儀形所始同運旅殊非所以崇  
礼賢達辨訓後昆之謂使可等  
量脩謙使有常制

為宋公脩復前漢諸陵教一首 宋傅亮

經紀夫信陵之墳守衛無曠展  
李之隴植蘇有刑彼匹夫懷道

列國陪隸猶見禮異代取貴隣  
邦漢高榘亂天政大造區宇道  
極橫流切高百代威德之烈義  
在不泯是以大晉之初尊禮三  
恪而喪亂遐緬與時湮替山陽  
不祀陵塋蕞蕪願瞻北原情兼  
九京長陵可復十家其餘十陵  
可各復三家並即近陵居人長  
給洒掃王者申下施行

為宋公脩楚元王墓教一首 宋傅亮

經紀夫褒賢崇德千祀稱先尊  
本敬始義高自遠楚元王積仁  
基德砥藩斯境素風道業作範  
後昆本校之祚實隆鄙宗遺芳

餘烈奮乎百代而上封沆翳墳  
塋莫翦慮遠存往慨焉永懷夫  
愛人懷樹甘棠且猶勿翦迨埋  
甄墓信陵尚或不泯況所興  
開源自本者乎可獨漢近墓五  
家長給灑掃使下施行

為宋公脩張良廟教一首 宋傅亮

經紀夫盛德不泯義存祀典微  
管之歎撫事赫深張子房道亞  
黃中照隣殆庶風雲言感蔚為  
帝師表項定漢大極橫流固已  
參軌伊望冠德如仁若乃神交  
圯上道報高洛顯默之際窈然  
難究源流沖浩莫測其端矣塗

難究源流沖浩莫測其端矣塗  
次舊沛仲駕留城靈廟荒墳遺  
象陳味撫事懷人永歎寔深過  
大梁者或佇想於夷門遊北京  
者亦流連於隨會擬之若人亦  
是以云可改排攘棟備飾丹青  
蘋蘩行潦致薦以時存懷古之  
情存不刊之列主者施行

脩梁軍大傳請司徒魏教一首 梁簡文帝

國經紀吾比維舟者涯坐登南  
峴晉太傅鉅平侯齊司徒昭王  
二碑蒿經有屋傾柿蕪穢略不  
復脩並曩歲名賢前代良牧頌  
聲猶在留像尚存豈心裁謙鶴

獨記黃武可違困常侍庾信依  
先構丘庶令冠蓋之傍有踰七  
尉之軌高車之廢無慙四皓之  
碑

為王公作相國德政碑教一首 陳況炯

教府州甘棠不翦取茂邵南之  
風峴山常存實間對子之德相  
國殿下地君不賤道濟生靈昔  
因求瘼建旗匡壽人德歸厚作  
教在寬麟趾增哥中和屬詠翠  
石生金刊同壽壽言龜負字勒  
比盤孟戎藉憑陵飲馬江派城  
寺煨焚廬井夷滅唯百姓所立  
殿下德政碑巋然獨在此所謂

道高北極德回南山百靈扶持  
萬歲遐祉頌奉休風誰不載躍  
外可即開掃備節營造屋觀當  
使揚備辨祭常識好碑王祭經  
過不逢缺字式展人心用旌万  
壽慮施行

點設江州刺史王敦像贊教一首 東晉庾亮  
經紀圖像所以表其形容而昭  
其事跡若乃德為物宗功施於  
人國之可也詠之可也豈歷官  
服事便儀之不朽邪是亂大從  
而善惡無章矣王敦始者以朗  
素致稱遂馨可人之名然其晚

節晉賊也。猶漢公之與王莽耳。閔棺之惡，固以暴於天下而乃圖其像，豈若之銘贊言何所述。義何所依，且吾豈與賊臣之像同堂而處乎。便下毀之，以爲鑒。

貳

廢秦真像教一首

東晉劉瓛

經紀夫圖像之興，有自來矣。大小雖殊，理存德義，未有肆其詆而非其人者也。秦真像罪天朝，身陷斯棺之責，猶與衆賢列圖。舍之不朽，所謂大盜居正，豈可。余那舉目，矚對心所不諭。貴邦諸人，既未之思耳。昔王大將軍

疊亦莫大。庾太尉往臨貴州，除其像，讚雅裁，坦然是百代之高准也。幸速廢之，以允大體。

祀胡毋先生教一首

後漢李固

吾曹禮記曰：夫聖王之制祠也，法施於人，則祀之；以勞定國，則祀之；昔堯遭洪水，人屢巢窟，禹平水土，附祀于河，弄裡嘉穀，託祀于稷，斯所謂以勞定國者也。自宣尼沒，七十子之經義乖散，秦復火之，然胡毋子都稟天濟和沉淪大道，深演聖人之旨，始爲春秋制造章句，是故嚴顏有

所祖述徽徽後生得以先昭斯  
所謂法施於人者也故豈足豫  
表之曰胡毋生知時情匿書自  
藏不敢有聲董仲舒亦稱吳楚  
之王勢為南面然而弃仁捐義  
背本畔帝故名為小人實為刑  
戮甚可著也胡毋子都賤為布  
衣貧為匹夫然而樂義好禮正  
行至死故天下尊其身而俗慕  
其聲甚可榮也太守以不持膏  
學春秋胡毋章句每讀其書思  
觀其人不意千載來臨此邦是  
乃太守之先師又法施於人礼  
宜有祀今月甲子祀胡毋先生

五官掾奉謁齊栢梁各三升豚  
一頭薦神坐前務加祫前二月  
八月報求之時曰社餘福以為  
帝

祠司徒安陸王教一首 梁簡文帝

因經紀昔然明著績留武威之  
祀少長良守雋桂陽之碣亦有  
文獻昭灼寶之質平南武彊子  
之墳齊故侍中司徒安陸昭王  
昔撫茲藩神明其政年歲未淹  
遺愛不息今者結纜釣臺臧舟  
華峴遙觀高碑前瞻靈廟臭味  
已深欽風斯在外可具彼蘋克  
明祭謁庶令臨淄惠隴不獨高

於秦令高陽郡坐並孤擅於曹  
文

與僧正教一首 梁簡文帝

此州伽藍丈提某列雖多設莊  
嚴或備供具觀其外跡殊備華  
侈在乎意地實有未私何者凡  
鑄金列玉鍊漆園瓦蓋所以仰  
傳應身遠注靈覺美龍脫之始  
晨迴鶴林之餘暮故祭神如在  
敬神之遺既極去聖茲遠懷聖  
之理必深此土諸寺止乎應生  
之日則整列刑像自斯已後封  
以篋笥乃至十尊五聖共處一

厨或大士如來俱藏一匱信可  
謂心與事背貌是情非增上意  
多精進心少背塔裏紅函止傳  
舍利鷹頭白傘非謂全身夫以  
畫像退陳尚使史人誠敬銘金  
圓範終令越主懷思匹以龍阿  
而能輝翰方之耿亮猶攝出匣  
况復單大慈文無工善聚聞名  
去煩見形入道而可憐此雕香  
蓋斯木雲絨匿玉象封印金掌  
既殊暉聞久入四天又異執酒  
掩戶三月寶殿空臨墮階塵敵  
書惟不開非仲舒之曲學經碑  
長掩似邱仰之避憚且廣夏雲

岳崇巖鳥跋若施之玉坐飾以  
金鈿必不塵鶻輪姿蔚照月面  
瑤璣審慮自可輕風難入龍璣  
細網足使飛鷲不過無得虔敬  
之但必崇極足之心赫重可即  
懷詳書永使准行

無專會一首

梁黃倫

條紀大事廣濟義非為己導引  
群生種之方便所以虛已無特  
表之內經碑字難拔者自外典  
又如獨往斯意足論隱不隔真  
乃為菩薩廬山東林寺禪房智  
表法師德緝僧像實号人觀懷  
道守素多歷年所不為事展不

為時申上下無常一相無相遂  
能捨彼堵關來遊垢濁與言一  
面定文杆曰余以薄德認臨大  
邦教義未聞貴賢慙至首綺李  
之出漢年獎許之與唐日茲迺  
聖主流慈天澤傍被異人間出  
復在此辰不勝舞酌帝之恩普  
也剋今月十日於西賢寺設無  
等會并致教開士躬詣勝福下  
蓮餐道凡厥膺禱夏及燕士因  
不率徒咸皆請業工吞乾故永  
同彼岸外依事宣行

造立勝骨觀教一首

梁王筠

教此境雖靈岳駢羅仙隱攸集

而郭內城傍了無墓館靖言在  
懷常以於邑知城西寺東地惟  
奕埴朝市相望而即目林阜聚  
落非遠幸絕塵塵此實勝地便  
可依止其臺堂所須工力資費  
今宣告同好庶不日而成讚揚  
勸化請自余始并製名騰賈別  
事聞奏前備理臨海先化館事  
已畢切亦併騰述言上

為武陵王府州上禮迴為法會教首

梁簡文帝

府州閣下一日具僚以吾下車

甫余酒醴通意既同落室之飲

有類眉壽之觴前後因循推而

不納吾以獻饗之禮眼耳交通

酒酌之懽尊早道接夏命所由  
無棄余志當選良辰申茲樂飲  
但踴競載笑未若倡頌之一聞  
血臂揚烟不知塗未之整起今  
飲化牛為大車之果變酒為甘  
露之因未効伽陀滿之八斛物  
我無利不其善歟外可詳設法  
會并屏僧徒庶欲少返放廢載  
肅仁祀

三日賦詩教一首

梁簡文帝

二府州經紀今氣序韶明風雲

調謚豈直洛格嘉宴金谷可遊

景落興道舞雩斯在咸可賦詩



北征教一首

東晉庾翼

至薄夫兵家之興不出三葉豈  
不以其器本不祥動遠行正之  
所致哉遠尋先代曹孫諸君並  
以英材挺生之量或乘運而起  
或扶義而興並功隆海內惠濟  
蒼生而嗣載三四歷年數十况  
此胡羯本非人類豈因吾利豕  
縱中原窮凶極虐古今未有借  
肆迄今將跨四紀豈此寇之無  
覺此道之可久哉蓋由江東屢  
夕內故違恤蕭牆運養歷葉義  
旗未建故使應亡之寇顛滅無  
由向傾之人忠本路塞耳自李

龍代勅猶苦滋甚腹心枝幹自  
相殘戮窮力恃戰屢多奔北豈  
非姦略轉表凶威漸屈故邪且  
仰觀天文表譴於上俯察人事  
離弁於下返明皇祚之方隆寇  
命之日替吾雖不武屬當斯會  
實安榮寵豈其素志恭行天罰  
非今而何是以間為備豫今粗  
尅并潛命方鎮期契亦集便今  
日建牙發命要與所統文武士  
庶振王威於山北顯義征於趙  
魏遇可降而納之遭可討而伐  
之與連誅之猾虜必授首於祖  
錄皇晉之遺黎復覩陽曜於更

始諸曹其各隨國部公無令臨  
事一物有關其速宣示諸佐咸  
使聞知

試嚴教一首

宋孝武帝

先帝道合二儀澤濟蒼生恩之  
所洽異俗草面何圖天禍橫流  
變生冢嗣賊劫狂忍躬行弑逆  
究酷之深古今無二叩心崩踊  
泣血尸存吾奉承大諱便就纂  
勒志鼎凶醜以雪恥責文武將  
帥受恩自昔莫不執戈奮樂飲  
淚待旦又奉司徒吉神謨英略  
赫然大芳徽甲敷州駱驛在路  
并滅冠軍疏忠烈亮到協茲義

師荆雍連兵水陸爭奮幽顯協  
邦人神同憤以此討逆義踰於  
遺兵責神速去惡宜疾況在今  
日痛酷兼常可遣冠軍將軍詔  
譏頌中直兵柳芳景季精銳三  
萬風馳先邁輔國將軍詔譏頌  
中直兵宗慤從勳捍二萬以相  
係極征虜將軍司馬武昌內史  
沉慶之既勒五萬里言次路吾  
當憇頌大衆躬御戎旗便可內  
外式嚴星速倫辨仰憑社稷之  
靈府乘逆順之數屠膾元凶猶  
之焉期使仇恥獲申展哀陵寢  
雖死之日猶生之年臨紙踴踊

肝心寸裂

為宋公試嚴教一首 宋傅亮

經紀自我戎檀命跨制中畿國  
陵幽淪情敬地隔先王舊壘前  
為沙漠或人謀未集戎時不可  
封故令殊類荐居百年相龔廟  
堂之筭十紀無成吾忝大任志  
在清一而屬逢多故靡有寧歲  
每懷遐慨無忘速圖今內難告  
夷四疆清晏暫戎結器俟命而  
動得樂仲子申季歷籤姚興審  
死支黨離貳子姪尋戎自相吞  
噬司雍馭擾遺黎創懸此否終  
之期蕩定日也時未有會赴機

宜疾今工表大舉指期進討便  
可尅日試嚴諸所備辦隨局申  
攝速施行

為大司馬作北征教一首 宋范泰

閣下京洛止壘困陵幽隔緬感  
遐慨何日忘懷太尉允迪神武  
志一六合家國之恥於是乎雪  
吾傲若時之會何宜宴安榮寵  
今便抗表求行以申誠節隨局  
備辦勿令稽緩

北略教一首 梁簡文帝

二府州國經紀昔曹彰衛霍之  
言祖逖臨江之楮亦有稜威細  
柳勒石燕峰吾自受脤西河出

車薄伐雖金城降虜日聞款附  
而玉門多壘憂責尚深豫城餘  
哀久應弼拔諸將按兵不能應  
定猶令羽書入塞燧火出關未  
以前遊魂久勞探甲吾今便懸率  
麾下一舉掃定假節馳勇將軍  
竟陵太守軍主魚弘率彼勁卒  
浴鐵鵬騎精勇五千直衝城下  
皆樓煩命中待詔射聲使羽  
飲石梁鏃折天柱假節壯武將  
軍軍主左文敗鐵騎三千隨機  
伏截必使問事之杖廢其詭謀  
射助之權寢其毒路假節雄烈  
將軍隨郡太守軍主席宗範并

拔犀揭石之勇擐旗斬將之雄  
馬步三千遙趨朝水風烈將軍  
洛州刺史北工洛太守葛傑精  
甲銳兵飛馳應起縱星櫃之輕  
棹透粉水之安流舟師二千咄  
吸便至武猛將軍曹幹渚宮勁  
卒陝西武旅二萬精兵駱驛相  
繼折衝凌險所向無前先鋒將  
軍典葦軍主茹曇等精甲三萬  
或似可權勇或謀默惟怪風烈  
將軍記室參軍陸軍等並參持  
禁戎展未馳事韋谷文雅戴華  
從軍帳內蒼光銳甲三萬憤氣  
合雄奮威雷動鵠視鷹峙默眈

龍驤絳旌拂天霜戈動日願助  
則生雷電叱咤則起風雲以此  
攻城何慮不剋以此衆戰誰能  
拒之王洪羅竈伏窮壘偷生假  
命欲回巢窟其可得乎鎮朔將  
軍長史襄陽太守柳津咸惠兼  
宣士馬元威可留知後事鎮守  
州城便剋今月廿一日内外戒  
嚴行留處分每令精速若大軍  
近次洪羅即能送款輸誠擇縛  
焚觀私之漏網男女小大一無  
所戮如其守迷不及並同城掠  
外速施行

為蕭驃騎奏徐州三五教一首 梁江淹

府州經紀沉彼之背悞雲控稽  
誅之日久矣况今稱兵江漢之  
上園豐廟闕之下怨熾罪盈人  
靈所絕朝廷已克辰纂嚴金輿  
風駕吾任先責達義兼常慨挺  
刃投袂信見其時方當水斬龍  
舟陸斷犀兕雖烈士銜志壯夫  
投檠然雲暉既舒宜廣威防所  
統郡縣便普三五威依舊格以  
赴戎塵主局飛火施行

習戰備教一首

梁玉筠

教經紀墨翟斷趾意在宣示中  
骨流泣義存救楚何則父母之  
鄉其事兼重衆梓敬恭斯情實

切須歲歲爾蠢類殺掠公行侵軼邠疆憑陵城邑大則係虜妻孥細則掠奪賢產流離地域生分天地其為取痛難以寄言而此境百姓曾無憤激論情詰事失之已速今宜公私勸力務存靈濟義防既已降旨便應依事施行書云不教人戰是謂弃之又云兵不素習不可以戰便宜將率義勇以時教習使里閭鄉黨皆有武備士庶童耆人懷戰心則小寇餘孽望風自殞矣主曹詳旨施行



經籍訪古志

文館詞林卷十卷 弘治十四年鈔卷子本

見存百五十八百五十二四百五十三四百五十九六百六十二  
 六百六十四六百六十六百九十一六百九十五六百九十九七十卷  
 首題文館詞林卷第四百五十二碑州二百官廿二次行署中書  
 令太子賓客監修國史弘文館學士上柱國高陽郡開國公  
 臣許敬宗等奉敕撰次行題將軍二載目錄界長六寸七  
 分幅七分每行字數不整筆力沈道恭末記云校書殿寫弘  
 仁十四年歲次癸卯二月為冷然院書捺冷然院印嶧院院印  
 二印按唐會要云顯慶三年十月二日許敬宗修文館詞林  
 一千卷上之見在書目舊新唐志所載卷數皆同此本依  
 跋文攷之弘仁中奉敕書寫置之冷然院冷然院乃儲御書處  
 貞觀十七年罹災祕閣收藏圖籍文書悉為灰燼事見三  
 代實錄後以然字從火改用泉字見拾芥鈔引而是書得免  
 災僅存者蓋當時從上皇在嶧嶧離宮故未捺冷然嶧嶧二  
 印卷散在諸處高野山所藏尤多現存二千餘卷憾未得盡  
 覽之昔時僧齋然入宋話及我之書內有文館詞林時人不  
 知其目以館作觀且誤謂皇朝人所著事見宋朝類說知是  
 書在宋初已失傳則雖家藏殘軸所存不多實可寶貴矣文  
 化中迷齋林君得此書零本收於佚存叢書中近日孫星  
 衍續古文苑阮元四庫未收書提要皆援引之則已播西土  
 但其所傳僅四卷不及其他是亦可憾耳按弘治十四年唐德宗  
 七年唐德宗也  
 鈔符二年也

文館詞林 跋

先是日本文化中林述齋刻逸存叢書收文館詞林  
 四卷中土鷺為祕笈及余東來見森立之訪古志所  
 載又有溢出此四卷之外者六卷因據以蹤跡之則  
 又溢出於訪古志之外者九卷除林氏已刻之四卷  
 及第三百四十八之馬融廣成頌餘十四卷今星使  
 黎公盡以付之梓人其大字疏行者鳥尚質從  
 原本摹出其小字密行者則傳鈔本也中間不無奪  
 文壞字覽者當自得之阮文達棟唐會要垂拱二年  
 于文館詞林內采其詞涉規試者勒成五十卷賜新  
 羅國王因謂當時頒賜屬國之本原非足冊今攷藤  
 原佐世見在書目有文館詞林一千卷又源順倭名  
 類聚鈔序云文館詞林一百秩則彼國所得實為足  
 本今校其所存各卷門類繁多不盡規試之辭且第  
 六百六十五卷後有儀鳳二年書手李神福寫字樣  
 是更在垂拱以前其非刪節之本無疑余按宋太平  
 興國中輯文苑英華收羅至博而此書不見采錄故  
 崇文總目僅載文館詞林彈事四卷宋史藝文志僅  
 載文館詞林詩一卷是皆零殘之遺若其全書則已  
 為北宋人所不見通志載文館詞林一十卷  
 備唐志入編實本見原書此十  
 四卷中雖略有見於史書文選及本集者而其不傳  
 者十居八九可不謂希世珍乎刻成後柏木政矩復  
 照目錄一紙據稱是嘉永間小林辰所訪通計其國

高存三十卷至今有存於淺草文庫者有存於西京大覺寺者皆不易傳錄故今附刻其目以俟後之人馬光緒甲申二月宜都楊甲敬記

小林辰所得元祿間鈔本文館詞林目錄

卷一百五十二 西京大覺寺影寫本

卷一百五十六 西京大覺寺影寫本

卷一百五十七 西京大覺寺影寫本

卷一百五十八 西京大覺寺影寫本

卷一百六十 西京大覺寺影寫本

卷三百三十八 西京大覺寺影寫本

卷三百四十六 西京大覺寺影寫本

卷三百四十七 西京大覺寺影寫本

卷三百四十八 西京大覺寺影寫本

卷四百一十四 西京大覺寺影寫本

卷四百五十二 西京大覺寺影寫本

卷四百五十三 西京大覺寺影寫本

卷四百五十五 西京大覺寺影寫本

卷四百五十七 西京大覺寺影寫本

卷四百五十九 西京大覺寺影寫本

卷五百七 西京大覺寺影寫本

卷六百五十五 未詳所在

卷六百六十二 未詳所在

卷六百六十四 未詳所在

卷六百六十五 未詳所在

卷六百六十六 未詳所在

卷六百六十七 未詳所在

卷六百六十八 未詳所在

卷六百六十九 未詳所在

卷六百七十 未詳所在

卷六百九十一 未詳所在

卷六百九十三 未詳所在

卷六百九十五 未詳所在

卷六百九十九 未詳所在

卷六百九十九 未詳所在

卷六百九十九 未詳所在

卷六百九十九 未詳所在

卷六百九十九 未詳所在

卷六百九十九 未詳所在

卷六百九十九 未詳所在

卷六百九十九 未詳所在

卷六百九十九 未詳所在

卷六百九十九 未詳所在

卷六百九十九 未詳所在

卷六百九十九 未詳所在